

सानसेयारि "बड'सा" खौरांलाइयाव समाजयारि जिउजो लोब्बा थानाय रायथार, खन्थाय, सल', सल'बाथा आरो दावबायारि थावनि, पार्क बाइदिनि सायाव लिहनाय लिहबिदां देथाय हट। सानसेयारि "बड'सा" खौरांलाइया सेवखानाने फोसावगोन।

बड'सायाव लिहहरनायनि हुदा खालाम, "बड'सा" खौ नोथां, जो बयबो आंगो खालाम।

सानसेयारि बड'सा मावखुलि
माइबं नोगार, जोहोलाव देमालु लामा
कक्राझार, बिटांस-783370
Website: www.bodosanewspaper.com



BODOSA ★ A Bodo News Daily ★ Wednesday ★ 9 June, 2021 Kokrajhar, BTC, Assam ★ Vol.- 31, Issue No. 74 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

चिरां जिल्लायाव गार्सै सा 25 सुबुंफोरनि मोदोमाव करना सिनायथिदों

तामुलपुरआव मिउनिसिपाल बिफाननि गोदान मावख 'खौ बेखेवदों प्रमद बर'आ

फैगौ 15 आगस्टनि उनाव तामुलपुरखौ जिल्ला महरै फोसावनाय जागोन: प्रमद बर'

बासुगाव, 8 जुन: थानाय शमबारखालि चिरां जिल्लायाव गार्सै सा 16 सुबुंफोरनि मोदोमाव करना हमदांनो हानायनि उनाव दिने जिल्लायाव गोदाने फिन सा 25 सुबुंफोरनि मोदोमाव करना भाइरास मोननो हायो। सावभि बिफाननिफ्राय मिथिनो मोन्नाय बादिब्ला जिल्लायाव 1 मार्चनिफ्राय दिनेसिम गार्सै सा 5 करना भाइरासनि बेरामिफोरनि जिउ गोमादों। दिनेसिम जिल्लायाव करना पजिटिभनि हारा सा (□ 5 बिलाइआव)

तामुलपुर, 8 जुन: बाक्सा जिल्लानि तामुलपुर मह कु मायाव थांखिजानाय तामुलपुर मिउनिसिपाल बिफाननि गोदान मावख 'खौ दिने मोनसे हाबाफारिनि गेजेरजों बेखेवनाने होयो बि टि चिनि गाहाय मावफुं सोद्रोमा प्रमद बर'आ। कभिड-19 नि गार्सैबो नेम-खान्थिफोरखौ मानिनयनि गेजेरजों खुंफुनाय बे बेखेव (□ 5 बिलाइआव)



मेट्रिक आरो हायार सेकेन्डारि आन्जाद खुंनयखौ लानाने गोनांथार मेल

फरायसाफोरनि इयुन जिउनि थांखि आरो केरियारखौ नायनाने फैगौ आगस्ट दाननि गिबि सप्ताहआव आन्जाद खुंनो हागौ: दिपेन बर'

कक्राझार, 8 जुन: जनता भवनआव दिने आसामनि सोल्लोथाय मन्थि रुज पेरुनि मासि लानाने दैदेन्नायाव सोलिफु सोल्लोथाय आयदाखौ लानाने मोनसे गोनांथार सावरय मेल जानाने थाडे। बे मेलाव काउन्सिल आरो सेबानि मासिगिरिजों लोगोसे सोल्लोथाय बिफाननि गोजाँ थाखोनि मावख 'गिरिफोरा, देहा बिफाननि



गोजौ थाखोनि मावख 'गिरिफोराबो बाहागो लादोंमोन। बे मेलाव एबसुजों

लोगोसे आसु, आसाम साहित्य सभा आरो बर' थुनलाइ (□ 5 बिलाइआव)

कक्राझार जिल्ला खुंथाय आरो देहा बिफानआ कभिड-19 भेक्सिननि सायाव मेल जथुमदों

कक्राझार, 8 जुन: कक्राझार जिल्ला आरो जिल्ला देहा बिफान खुंथायनि बिबानगिरिफोरा दिने गुबुन गुबुन फरायसा आफादफोरजों सोलिफु कभिड-19 नि थासांरि आरो भेक्सिन होनाय आयदाखौ लानाने सावरयलायदों। जिल्ला खुंथाय आरो देहा बिफाननि जुथायै बान्जायनाय बे मेलआव गुबुन गुबुन फरायसा आफादनि दैदेनगिरिफोर, समाजयारि दैदेनगिरि, गागि नोगोरारि आरो



गुबुन गुबुन बिफाननि बिबानगिरिफोराबो बाहागो लाफादोंमोन। दिनेनि बे मेलाव जर 'खायै सोलिफु कभिड-19 नि थासांरि आरो देहा बिफानआ

भेक्सिन होगासिनो थानाय आयदाफोरनि सायाव गुवारै सावरायलायनाय जादों। कक्राझारनि उक्रा जिल्ला बेंगिरि प्रदिप कुमार गुप्ताया बे मेलाव

दासान्दि कभिड-19 नि भेक्सिन लायोब्ला लोमजायो होन्नाने राइजो-राजाफोरनि गेजेराव गिखांनय सोमजिनायखौ जानगार खालामनो थाखाय बेनि फार्से (□ 5 बिलाइआव)

गसाइगावआव आयेन बेरेखा फालांगिरिनि हेंथायै महकुमा खुंथाया हाबाफारि लादों

आयेन बेरेखायै दोनथुमनाय 121 कुइन्टल माइरं आरो 2600 लिटार खेरासिन थाव बोखांदों

गसाइगाव, 8 जुन: गसाइगाव महकुमा खुंथाया आयेन बेरेखा फालांगिरिनि हेंथायै हाबाफारि लानायनि गेजेरजों आयेन बेरेखायै गुडामाव दोनथुमनाय गोबां बिबांनि माइरं आरो खेरासिन थावफोरखौ बोखांदों हायो। जाय समान सानफ्रोमबो गोनांथि जानाय मुवा-बेसादफोरनिनि बेसेना बांनयाव सरासनम्रा सुबुंफोरा जेनायाव गोगलैनो गोनां जादों बे समावनो गसाइगाव महकुमा खुंथाया दिने बेलासि समाव सिप्रोमनाय हाबाफारि लानाने गंसे गुडामाव आयेन बेरेखायै दोनथुमनाय 121.5 कुइन्टल माइरं आरो 2600 लिटार खेरासिन थावखौ बोखांदों हायो। एडिसनेल जिल्ला बेंगिरि सान्त कार्कि चेत्रिनि दैदेनयाव पुलिस आरो महकुमा जगायथाय बिफाननि (□ 5 बिलाइआव)

बडाइगाव जिल्लानि गेरुकाबारिआव आइन बेरेखा माइरं बोखांदों



बिजनी, 8 जुन: बडाइगाव जिल्लानि गेरुकाबारिनि 31 नं राजा लामायाव दिने मंगलबारखालि पुलिसनि सिप्रोमनायाव गंसे बलेर' पिकआपआव मोन 60 बस्था सिखावै लाबोनाय माइरंखौ हमनो मोदों। एएस-19 सि-2347 नम्बरनि गंसे बलेर' पिकआप गारिजों बडाइगाव जिल्लानि किर्तनपारासिम गवालपारासिम लांगारिसिनो दडमोन बे माइरं बस्थाखौ। सिखावै लाबोनाय बे खौरंखौ मोन्नाने गेरुकाबारि पेट्रल पस्ट पुलिसनि मोनसे हान्जाया सिप्रोमनाय हाबाफारि खालामो। सिप्रोमनाय (□ 5 बिलाइआव)

कक्राझार आर एन वि सिभिल देहा फाहामसालिआव बाहायनायनि थाखाय अक्सिजेन प्लान्टआ थियारि जाबाय

कक्राझार, 8 जुन: बावैसो सानफोर सिगां कक्राझारनि आरएनवि सिभिल देहा फाहामसालिआव करना भाइरास बेरामिफोरनि थाखाय गोनांथि जानाय अक्सिजेन जगायनाने होनो थाखाय भारत सरकारनिफ्राय 200 लिटर पार मिनिट सेल्फ जेनेरेसन



अक्सिजेन प्लान्टखौ भारत सरकारनिफ्राय मोनो हादोंमोन। बे अक्सिजेन प्लान्टआ बाहायजानायनि महर मोनबाय। बे अक्सिजेन प्लान्टआ कक्राझार आरएनवि सिभिल देहा फाहामसालिआव 72 घन्टा बाहायजासिगोन। दिने (□ 5 बिलाइआव)

बाक्सानि गबर्धनायाव सानै ड्रागस फालांगिरिफोरखौ हमदों



शालबारि, 8 जुन: राज्योयाव पुलिस बिफाना ड्रागसनि हेंथायै गोखों हाबाफारि लाबाय थानाय

बादियेनो बाक्सा जिल्लायाव पुलिस बिफाना ड्रागसनि हेंथायै हाबाफारि लानायखौ गोखोंसिन (□ 5 बिलाइआव)

खालामदों। दिने बाक्सा जिल्लानि शालबारि महकुमानि सिडाव थानाय गबर्धनायाव पुलिसआ ड्रागसजों लोगोसे सानै ड्रागस फालांगिरिफोरखौ हमनो हायो। शालबारि गबर्धना पुलिस थानानि बिबानगिरि नबजित तालुकदारनि दैदेनयाव ड्रागसनि हें थायै लानाय हाबाफारिनि गेजेरजों सानै (□ 5 बिलाइआव)

बाक्सानि भुटानखुटियाव हाग्रानि मैदेरनि फालोया न'-बां, आबाद सिलिंखार खालामदों



बाक्सा, 8 जुन: करना साग्लोबसारनाया गिखंथाव महर लानाय समनि गेजेरावनो राज्योयाव हाग्रानि मैदेरनि फालोया न'-बां, आबाद सिलिंखार खालामदों। दिने (□ 5 बिलाइआव)

हाग्रा ओन्सोलफोरखो फोजोबस्रानायनि जाहोनाव आदार नागिरनाने गामियारि ओन्सोलफोराव हाग्रानि जिब-जुनादफोरा हाबफेयो। जाउनाव हाग्रा जिब-जुनाद आरो गामियारि सुबुंफोरनि गेजेराव मोगा-मोगि जानाय जाथायाव माब्लाबा समाव सुबुंनि जिउ (□ 5 बिलाइआव)

अरुनदय बिथांखिनि भेरिफिकेसननि थाखाय सुबुंफोरनि थुबुर, गैया कभिड-19 नि प्रटकल

गसाइगाव, 8 जुन: आसामनाडै गिखंथाव करना भाइरासनि साग्लोबनायखौ नोजोर होनाने राइज्यो सरकारआ कभिड-19 नि एसअपि फोसावनायनि गेजेरजों मेल, जुलि फोबों, सप्ताहयारि हाथाइसालि आरो जायखि-जाया सुबुं थुबुर जानायखौ



होबथादों। नाथाय गोबां ओन्सोलफोरावनो सरकारनि थिखानाय बे नेमखांथिखौ मानिनाने सोलिनायाव गोब्राब जादों सरासन्सा राइजो-राजाफोरा। मानोना गावबा-गावनि गोनां खामानि आरो नख'र संसार दैदेनयायनि (□ 5 बिलाइआव)

कक्राझारआव ड्रागस बाहायग्रा सा 5 सुबुंफोरखौ हमदों



कक्राझार, 8 जुन: दासान्दि राइज्योनाडैनो पुलिस बिफानआ ड्रागस आरो गुबुन फेग्रा मुवा-बेसादजों लोगोसे आइन बेरेखा आरो समाज बेरेखा खामानिफोरनि हेंथायै गोखोडै नायबिजिगासिनो थादों। पुलिस (□ 5 बिलाइआव)

सुजुगिरिनि खोलोम

गावनो गाव गसंथानो हानायनि राहा दिहुन्नायनि गोनांथि फैबाय

आबादखौनो बर 'फोरनि थाना थानायनि गिबि आरो गुदि फुंखा होन्नानै सान्नाय जायो। आबादनि अनगायै सादा-बुसा मावनानै जाग्रा गामियारि बर 'फोरा गुबुन माबा मोनसे मुलाम्फा गोनां फालांगि खालामनानै जानायखौं गोब्राब मोनो। अदेबानि मुगाया सोलायबाय, बर 'फोराबो गुबुनफोर बादिनो एफा-एनै फालांगियाव आखाय होनो हाबाय। नाथाय दासिमबो बांसिन जौखोन्दोनि बर 'फोरा आबादखौनो गुबै राहा हिसाबै लायो, नाथाय आबाद दिखानायवबो गुबुनजौं समानै आगान सुरफालांनो हाद्रायखै। आबाद मावनायखौंबो जौंनि गोबाडनो नागारनो लाहाबाय। बेफोर जाहोनफोरनि थाखायनो जौंनि ओन्सोलाव बाइदिसिना जाग्रा आदार आरो मैंग-थाइगफोरनि आंखालया बांसिन नुजानो हमाबाय। जाउनाव गुबुनि फालांगिरफोरा जौंनि ओन्सोलनि हाथाय-बाजारफोरखौं सेगलाबफैनो खाबु मोनबाय। बेनि गेजेरावबो सुबुंफोरा गोमो मैंग-थाइग मोनजालिया, नाथाय बियो गोनां मैंग-थाइगफोरखौंसो जानो गोनां जाफैबाय।

आथिकालनि समाव ना आरो हांसो-दाव -अमा फिसिनायाबो मोनसे फालांगिनि महर मोनबाय। गुबैयै ना-बेदरनि चाहिदाखौं फोलोमनो हानायनि राइज्योयाव राहा गैयाखौंनो बुजायो। बेखायनो राइज्योयाव ना-बेदरनि चाहिदा सुफुंनो बाइजोनिफ्राय ना-दाव लानानै फैन्यानुनो मोनो। बेखायनो हांसो-दाव फिसिनायनि मोजां समा जादों दैज्जां बोथोर। दैज्जां बोथोर सौंफैब्लानो गामि ओन्सोलनि गोबां हाखर-हाला, गरखाय-दांगफ्रा अखालनि दैज्जां दानबै-दानबासिम आबुं लोमनानै थायो। बेफोर एरैनो गोलैसोनानै थानाय हाखर-हालाफ्रव समबाय हिसाबै एबा गावयारि हिसाबै बोथोर मोनसेनि थाखाय ना फिसिनो हागौं। ना-जौं लोगोसे जावजा आबाद हिसाबै हांसो फालोमो फिसिनायनि राहा खालामनो हायोब्ला रांखाथियारि फुंखाखौं एसे एनै बांहोनयनि मिजिं खालामनो हागौं। दैज्जां बोथोरव थि बेंखन्थायनि गेजेराव दोन्नानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फो-एनलाफोरखौंनो गोजोम-गोजोम जानानै थानो मोजां मोनो हांसोया। जाउनाव गोबां आदारनि गोनांथि जाया। बिबिदो हाखर-हालानि फोसाबसाइं हाग्रा-बंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौं जानानै फैया। मानो होनोब्ला बेफोराव नानि थाखाय गोबां आदार ज' जानानै थाखायो। बेखायनो बेफोरखौं सिगां नोजेर थियोनानै मोजां आरो गोमो जोलैनि ना फुवान आरो हांसो जोलै 'गयनानै फिसिनायनि बे गोलै राहाजौं बाडाइ खरसा आरो बाडाइ समनि गेजेरावनो गरफा-गरनै खामायनायनि लामा लानो हागौं। आथिखाल ना-बेदरनि चाहिदा बांनय आरो बारायगलाबनाय बेसेनखौं नोजेर होनानै ना-हांसो फिसिनायजौंबो रांखाथियारि बिथिडे गोखौं जानो हानायनि लामा फैया। नाथाय बेफोर आबादजौं गोबां मुलाम्फा जायैआ सैथो, नाथाय बेकारफोरनि थाखाय साखि-बाखि जासादि आखायनि खरसा फैन्याबो सैथो।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** फालांगि मावनयाव रां खहा जानो हागौं। जेखि मावा सांग्राडै मावनगोन।
- वृष:** मोजां रोंग 'थिनि थाखाय मान मोन्नो हागौं। गोजोन्नायजौं समखौं हगार हरनो हागोन। मोजां सान।
- मिथुन:** मानिबा जाहोनाव दुखु-दाहा सैनांनो हागौं। जेखियानो जाया गोसो हमाथानांनो।
- कर्कट:** सान्नाय थांखिआ जाफुंसारगोन। गोसोखौं जै खालामनो हागोन। मोजां सान।
- सिंह:** दोहोनफोरा बांगोन। जैबो गोसार होनो हागोन। मोजां सान।
- कन्या:** गाजि आखल-आखुनिफ्राय गोजानाव था। जैनायाव गोसलैनो हागौं। गोसोखौं हमाथा।
- तुला:** माखौंबा लानानै सोरजौंबा नांलायनाय जानो हागौं। गोसो हमाथानानै थानाया गाहाम।
- वृश्चिक:** गोजोने समखौं बार होनो हागोन। जेखि मावा सांथि मोनगोन। मोजां सान।
- धनु:** माबा मोनसे गोहो गोरा बिबान मोन्नो हागोन। फारफ्रोमथिबो मोजां।
- मकर:** सोरजौंबा गावसालायनाय जानो हागौं। गोसो हमाथानानै सोलिनांगोन।
- कुम्भ:** नखर 'संसार सालायनायाव गिखानाय मोनो हागौं। फारफ्रोमथिबो सांग्रां जानांगोन।
- मीन:** सोरनिबा अन्नायाव रांखावरि मदत मोन्नो हागोन। गोजोन्नाय मोनगोन। मोजां सान।

मदि सरकारआ गिदिर थांखि लादों

गोदान दिल्ली, 8 जुन: करना जेनानि समाव फिन खनसेबाव हादतखौं सोमोन्दो लानानै गाहायम मन्थि नरेन्द्र मदिआ हादतनि सुबुंफोरनि थाखाय मोनै बाश्नाफोरखौं फोसावदों। बे बाश्ना फोसावनाया करनानि हें थायै सोलिबाय थानाय दावहानि महरै बेयो गोबां मख 'जाथाव। गाहाय मन्थिआ गिबियाव 21 जुननिफ्राय 18 बोसोरनिफ्राय बांसिन बैसोनि हादतनि गसिसबो नोगोरारिफोरनो भेक्सिनखौं फ्रियाव थुनो बाश्ना फोसावदों। मिरु सरकारआ दरफ्रामबो थि राइज्योफोरनि थाखाय फ्रि भेक्सिनखौं जगायना होगोन। भेक्सिन बानायगिरिनिफ्राय 75 जौखोन्दो भेक्सिनखौं भारत सरकार बायगोन आरो बेनि उनाव बेखौं राइज्यो सरकारफोरनो फ्रियाव जगायना होगोन। नैथि बाश्ना फोसावनाया जादों प्रधान मन्थि गरिब कल्याण अन्न यजना' खौं



दापावलीसिम बांहोबाय। नम्बर 2021 सिम मिरु सरकारआ 80 कौटिनिफ्राय बांसिन हादतनि सुबुंफोरनो दान मोनफ्रामबो थि बिबाडाव फ्रियाव मायरंखौं जगायना होगोन। हादतनि मुखव सोमोन्दो लानानै गाहाय मन्थि मदिआ बुंदों करनानि नैथि दोहौनि दावहा नांनया सोलिबाय थादों। गुबुन हादतफोर बादि भारतयाबो बे जेनाजौं भुगिनादों। माखासे सुबुंफोरा गावनि नख 'रनि सुबुंफोरखौं खोमानादों। थानाय

100 बोसोरनि उनाव सोमजिखानाय बे भाइरासआ गोबां गिखंथाव। बे रोखोमनि भाइरासखौं गोदान मुगानि सुबुंफोरा नुफेराखैमोन आरो मोन्दाथि फेराखैमोन। नरेन्द्र मदिआ बुंदों, सेकेन्ड वेबनि समाव एप्रिल आरो मे दानाव भारतआव मेडिके ल अक्सिजेननि डिमान्डआ गोबां बांदोंमोन। भारतनि जारिमिनयाव बेबादि गोबां मेडिके ल अक्सिजेननि गोनांथि जाफेराखैमोन।

जाग्रा आदारनिफ्राय सोमजिखानाय बेरामफोरजौं हादतआ बोसोरफ्रोमबो 1,092 आरख रां ख 'हा जायो: हर्षबर्धन

गोदान दिल्ली, 8 जुन: मिरुनि गाहाम देहा मन्थि हर्षबर्धनआ समबाराव बुडोदि, जाग्रा आदारनि हाबाफारिया गोलाव सम, जेना गोनां आरो मुलुगआरि जाबाय। बे बायदियाव जाग्रा आदारआव गलाय-गथाय जानायजौं सोमजिखानाय बेरामफोरा गोब्राब जेनानि आयदा जानानै फैंदों। जाग्रा आदारनिफ्राय जानाय बेरामफोरनि जाहोनाव भारतआ बोसोरफ्रोमबो 15 आरख डलार (1,092 आरख रां) ख 'हा जायो। गाहाम देहा मावख 'निफ्राय फोसावनाय फिन्नायनि बादिब्ला, हर्षबर्धनआ एफ एस एस ए आइनि फारसेनिफ्राय मुलुगनां जाग्रा आदार रैखाथि सानआव खुंनय हाबाफारिखौं बाचुंएली सोमोन्दो लानायाव बुडोदि, फुर जाग्रा आदारनि हाबाफारियाव सरैखाथिखौं थिसनफानांगो। बे हाबाफारिया आबाद फोथारनिफ्राय जागायो आरो



जाग्रा आदारनि टेबेलआव जोबथायो। बेखौं मोजाडै लाखिलानो थाखाय एस्कार, उद्यग आरो बाहायगिरिफोरा समान समानै आरो गोथौवै बिफाव लानांगोन। बेबो गोनांथारदि जाग्रा आदारनि सरैखाथियाव देरहोग्रा-लावहोग्राजौं लोब्बा थानाय गोनांथार तत्वफोर आरो सोलौंथायखौं थिसनफानांगो। आदारनिफ्राय जानाय बेरामफोरनि आरो रैखाथि गोनां जानांगौं।

पान्जाबी देंखोगिरि जैजी बीजौं लोमोसे टुइटरआ भारतआव साब्रै सुबुंफोरनि एकाउन्टरखौं ब्लक खालामदों



गोदान दिल्ली, 8 जुन: टुइटरआ भारतआव मोनबै एकाउन्टरखौं ब्लक खालामदों, जायनि गेजेराव मोनसेआ कानाडानि पान्जाबी देंखोगिरि जैजी बीनिबो दड। जैजीआ भारतआव सोलिनाय आबादारि आयेनफोरनि हेंथायै सोमावसारनायनि हेफजाबाव सम-सम टुइटर खालामबाय थाबोदों। सरकारनि फारसे आर'ज गाबनारनि उनाव रबिबारआव बिसोर सा 4 नि एकाउन्टरखौं ब्लक खालामनाय जादों। आथिखालआव दासिमबो बे केसआव बांद्राय खौरं मोनाखै। आसा खालामनाय जादोंदि, टुइटरआ बेखौं लानानै थाबैनो बिबुंथिखौं फोसावगोन। मीडिया रिपोर्टनि बायदिल्ला बिसोर सा 4 आबो एक्टजौं भारत सरकारनि हेंथायै टुइटर खालामबाय थादोंमोन। आथिखालआव बिसोर साब्रैनि एकाउन्टरखौं भारतआवबल' ब्लक खालामनाय जायो एबा भारतीय नडै आइपि एड्रेसजौं बे एकाउन्टरफोरखौं एक्सेस खालामनो हागौं। बेनि सिगां फेब्रुवारी दानआवबो टुइटरआ सरकारनि बुंनयायाव गासै 250 एकाउन्टरखौं माखासे घन्टाफोरनि थाखाय ब्लक खालामदोंमोन। बे एकाउन्टरफोराव आबादारि सोमावसारनायखौं लानानै नंखाय बाश्ना गोसारहोनायनि दाय जाबसिन्दोंमोन। बे बोसोराव सुबुंनत्र सानआव जानाय आबादारिफोरनि ट्रेक्टर पेरैडनि उनाव जानाय हिंसाखौं लानानै बे एकाउन्टरफोरनिफ्राय जेना गोनां खौरांफोरखौं फोसावनाय जादोंमोन।

जम्मु-काश्मीरनि पुलवामायाव 5 कि:ग्रा: बेरफ्रुग्रा बेसाद बोखांनो हादों



गोदान दिल्ली, 8 जुन: रैखाथि हान्जाफोरा जम्मु-काश्मीरनि पुलवामा जिल्लायाव 5 कि:ग्रा: बेरफ्रुग्रा बेसाद नागिरना मोनो। सांन्थिनि सासे बुंथिगिरिआ श्रीनगरआव बुंनय बायदिल्ला, दिदैनै फु डाव सालायनाय नागिरनाय हाबाफारिनि समाव

बे बेरफ्रुग्रा बेसादखौं बोखांनो हायो। खोला काश्मीर जिल्लानि त्राल ओन्सोलनि खाथियाव थानाय सइमुहआव गोबां बिबांनि बेरफ्रुग्रा बेसाद थानायनि संगालि खौरं मोन्नायनि उनाव नागिरनाय हाबाफारि सालायनाय जायो। बे बेरफ्रुग्रा बेसादखौं

नायबिजिनो थाखाय देशायहरनाय जाबाय। सुलुखव फोरमायनाय बायदिल्ला, बेनि सिगां थानाय शनिबार खालि जम्मु काश्मीरव थानाय श्रीनगरनि चानपरा पुलिस पस्टनि खाथियाव आइडि नागिरना मोनो। बेनि

महात्मा गान्धीनि फिसौजोखौं सिखाव खावनाय आरो थगायनायनि दायव 7 बोसोर जेलनि साजा

गोदान दिल्ली, 8 जुन: गान्धीजीनि फिसौज्ला-फिसौजो जानायनि नंखाय लाइ दिन्थिनयनि दायव आशीष लताखौं जेलाव देशय हरबाय। 56 बोसोर बेसोनि आशीष लता रामगबिनखौं डरबनिनि गंसे बिजिरसालिया 60 लाख रां थगायनाय आरो खैसार सानाय केसाव 7 बोसोर जेलनि साजा खोनासंहोबाय। थानाय समबारखालि कर्टआ गावनि थांखिखौं खोनाहोयो जेराव आशीष लता रामगबिनखौं दायनिगिरि हयो। गावखौंनो फालांगिरि होन्ना फोरमायग्रा लताआ जायगानि फालांगिरिनिफ्राय थगायनानै 62 लाख रां लायो। गथायनायनि मैहुर जानानाय एसआर महाराजआ फोरमायनाय बायदिल्ला, लताआ बिनो मुलाम्फानि लभ दिन्थिनानै बिनिफ्राय रां लादोंमोन। लतानि सायाव बिजेनसमेन एसआर महाराजखौं थगायनायनि दाय जाबसिन्दोंमोन।

अदेबानि महाराजआ लतानो मोनसे कनसाइमेन्टनि इम्पर्ट आरो कास्टम क्लियर खालामनो थाखाय 60 लाख रां होदोंमोन, नाथाय बेबायदि जेबो कनसाइमेन्टआनो गैयायामोन। बे समाव लताआ बेनि मुलाम्फानि बाहागोखौं एसआर महाराजनो होगोन होन्ना खोथा होदोंमोन। मख 'नो गोनांदि, लता रामगबिनआ मुंदांखा सुबुं मोन्थायनि इला गान्धी आरो मुंदांखा मेवा रामगबिन्दिनि फिसाजोमोन। महाराजनि कम्पानीआ लाइलनि सि-जोम आरो जुता लाबोना बानायनानै फानो। महाराजनि कम्पनीआ गुबुन कम्पानीफोरनो प्रफिट शेयारनि सायाव बिथा खालामनानै फेसाबो होयो। कर्टआव फोरमायनाय बायदिल्ला, लता रामगबिनआ महाराजनि सिगाडव बुंदोंमोन बिथाख खोला आफ्रिका देहा फाहामसालि गुप नेटकेयारनि थाखाय लाइलनि सिनि गं 3 कन्टेनार लाबोदों। बेखौं

लाबोनाय आरो सिमानि टेक्स होनो थाखाय पैसानि जेनाजौं भुगिनादोंमोन आरो बिनो बन्दगाहयाव मुवा बेसादफोरखौं खालि खालामनो थाखाय रांनि गोनां जादोंमोन। बेनि उनाव

महायजआ लतानो 60 लाख रां हरो। नाथाय जोबथारनायाव मिथिनो मोनोदि, बे फोरमानलाइफोरा नक्लीसो आरो उनाव बियो लतानि हेंथायै केस थिसनो।

भारतीय केप्टेन सुनिल छेत्रीआ लियनेल मिसिखौं उन खालामदों

गोदान दिल्ली, 8 जुन : भारतीय फुटबल टीमनि केप्टेन सुनिल छेत्रीआ गिदिर जाफुं सारनायखौं मोन्नो हानानै आर्जेन्टिनानि मुंदांखा फुटबलार लियनेल मिसिखौं उन खालामदों। छेत्रीआ फीफा वर्ल्ड काप 2022 आरो एसिया काप 2023 नि जुथाय क्वालिफायर मेचआव बांलादेशनि हेंथायै खननै गल सोनो हादों आरो हासिडैनि गोहोब्लाबो

टीमखौं देरहा होदों। बेजों लोमोसेनो बे मुंदांखा गेलेगिरिना भारतीयनि मुडाव इन्टारनेसनेल गलनि अन्जिमाया 74 जाबाय, जाय मेसिनिफ्राय मोनै गलया बांसिन। इन्टारनेसनेल फुटबलयाव बे समाव सांग्रां गेलेगिरिफोरनि गेजेराव पतुंगालनि क्रिस्टियान रनाल्ड (103) नि उनाव आथिखालाव छेत्रीनि मुडा बयनिखुइबो बांसिन गल सोनाय जादों। भारतीय

केप्टेनआ बेसेबां गल उनाव बियो मेचनि जोबथा समाव (90+2) मिनिटआव मोनसे गल सोबावनानै भारतीय टीमखौं देरहाहोदों। टीमनि देरहानाय आरो छेत्रीनि रेकर्डनि सायाव गोजोन्नाय मोन्नायखौं फोरमायनानै अखिल भारतीय फुटबल महासंघ (एआइएफएफ) नि अफादगिरि प्रफुल्ल पाटे लआ केप्टेननि सामलायनायखौं लानानै बाखायदों।

पुणेनि गंसे केमिकेल प्लान्टआव गिख्रंथाव अर नांनायजों सा 12 आइजोफोरजों लोगोसे सा 17 सुबुंफोरिन जिउ ख'हा

मुम्बाइ, 8 जुन : पुणेनि गंसे केमिकेल फेक्ट्रीआव गिख्रंथाव अर नांनायजों सा 19 मावसुमाफोर थैयो। बिसोरनि गेजेराव बांसिनानो आइजोफोरा सेनिटाइजर बानायग्रा फेक्ट्रीआव जाथाय जानाय समाव सा 37 मावसुमाफोरा डिउटिआव दड्मोन। हरसिमाव बे अरनि सायाव सामलायनो हायो। पिएम मदिआ बे जाथायाव थैनाय साफ्रोम सुबुंफोरिन नख'रनो 2 लाख रां आरो जोखोम जानायफोरनो 30-50 रांनि मदत होनो फोसावयो। बिबानगिरिफोरा



फोरमायनाय बायदिब्ला, पुणेनि मुलशी तहसीलनि पिरंगट कारखाना ओन्सोलाव थानाय एसभिएस एक्ता टेक्नलजिनि

रसायन थियारि 'खालामनाय जायो। लासै लासै अरा गासै फेक्ट्रीआव गोसरो आरो बेयाव खामानि मावग्रा मावसुमाफोरा बेयाव थाबथाना थायो। बे अरनि सायाव सामलायनो थाखाय फायार ब्रिगेडनि गं 8 था गारिफोरखौ थिसन्याय जायो।

बिबानगिरिफोरनि बायदिब्ला, गासै 3 घन्टानि उनाव अरनि सायाव सामलायनो हायो। बेयाव सा 17 सुबुंफोर थैयो आरो सा 20 सुबुंफोरखौ रेखाथियै दिहुन्तो हायो। बे अरआ मावोरै नांखो बेनि जाहोनखौ दासिमबो मिथिनो मोनाखै। गाहाय मन्थि नरेन्द्र मदि आरो नख'र मन्थि अमित शाहआ बे जाथायाव सुबुंफोर थैनायनि सायाव गोथैयै दुखु मोन्नायखौ फोरमायदों।

भारतआ ECOSOC नि सोद्रोमा महै सायख 'जाबाय

गोदान दिल्ली, 8 जुन: भारतखौ इउ एननि मोनसे मख 'जाथाव फसंथान इकनमिक एन्ड ससिएल काउन्सिल (ECOSOC) नि थाखाय सायख 'नाय जायो। भारतखौ 2022-24 नि थाखाय सायख 'नाय जादों। जायनि उनाव भारतआ बेनि 54 सोद्रोमाफोरनि दरसे सोद्रोमा हादत जायो। इउ एनआव थानाय भारतनि थान्दै टी एस त्रीमुर्तिआ भारतखौ बेयाव सोद्रोमा महै सायख 'नायनि थाखाय बयखौबो साबायख 'र बाउवो। बिथाड मोनसे डूटआव लिरदोंदि, गाव बैसोर बयखौबो साबायख 'र बाउवो जायफोरा भारतनि थाखाय भट होदों। बेयो इउ एननि मोनसे एरेबायदि मिरु जेराव बाश्रा दान्थेलायनायनि गेजेरजों सान्नाय-हनायफोरखौ सोलाय-सोल 'खालामनाय




जायो, आवगायलांनय आरो इउ एननि थांखिखौ फुरा खालामनायनि लामाखौबो थि

खालामनाय जायो। बेफोरो इउ एननि जथुम्पफोर आरो सम्मेलनफोरनि थाखायबो बिबान गोनां जायो। समबाव जानाय बिसायख 'थियाव भारतखौ एसिया-प्रशान्त ओन्सोलनि बेपरिषदिनि सोद्रोमा महै सायख 'यो। बेयाव आफगानिस्तान, कजाखिस्तान आरो अमानआबो दंमोन। आफ्रिकानि हादतफोरनि मादाव मरिसास, ट्युनेशिया, तन्जानिया, एसवाटिनी आरो कट डी आइबरेखौ, सान्जा इउपियान हादतफोरनिप्रय क्रोएसिया, चेक रिपब्लिक, खोला आमेरिका आरो केरेबियान हादतफोरनि मादाव बेल्जी, चिली आरो पेरुखौ बेनि थाखाय सायख 'यो। बे बिसायख 'थिआव जानुवारीनिप्रय डिसेम्बर 2022 नि थाखाय ग्रीस, न्युजीलैन्ड, डेनमार्क आरो इज्राइलखौ 1 जानुवारी 31 डिसेम्बर 2022 सिमनि थाखाय सायख 'नाय

जादों। मख 'जाथावदि, भारतआ 2021-22 नि थाखाय इउ एन रेखाथि परिषदआव अरयथा नडै सोद्रोमा महै सिबिथाय होगासिनो दंखायो। ECOSOC खौ 1945 आव दाफुनाय जादोंमोन। बेयो इउ एननि मोन 6 गाहाय बाहागोफोरनि मोनसे। बेनि 54 सोद्रोमाफोरखौ जेनेरेल एसेम्बलनि गेजेरजों 3 बोसोरनि थाखाय सायख 'नाय जायो। ओन्सोलारि बिथा खालामनाय बादिथै बेयाव सोरबाया सोद्रोमा मोनो सोरबाया मोना। जेरै आफ्रि कानि हादतफोरनि थाखाय 14, एशियानि हादतफोरनि थाखाय 11, इउपियान हादतफोरनि थाखाय 6, खोला आमेरिका हादतफोरनि थाखाय 10, के रिबिया आरो सोनाब इउरपजों लोगोसे गुबुन ओन्सोलफोरनि थाखाय 13 मासिफोर दं।

भारतनि 63 साननि उनाव गिबियै 1 लाखनि खमसिन करना केस



गोदान दिल्ली, 8 जुन : भारतआ करना भाइरासनि नैथि दोहौआ जोबनायनि फासँ दावखलायगासिनो। थानाय 24 घन्टायव 63 सानफोरनि उनाव गिबियै 1 लाखनिखुइ खमसिन करनानि गोदान केस थिसनजायो। बे समाव 86,498 गोदान केस मोन्दों आरो सा 2,123 जिउ गोमायो। थानाय

माखासे सानफोरनिफ्रायनो इनफेक्सन सन्देरायफोरजों रुजुनायाव मोजां जानायफोरनि अन्जिमाया बांसिने थिसनजादों। हादतआव आथिखालाव 13 लाख एक्टिभ केस दं। करना भाइरासनि नैथि दोहौनि समाव करना टेस्ट नायनायखौबो गोखैसिन खालामनाय जादों। समबाव करना भाइरासनि

18,73,485 सेम्पल टेस्ट नायनाय जायो। आइसिएमआरनि बादिब्ला, दासिमाव गासै 36,82,07,576 सेम्पल टेस्ट खालामखांवाय। मिरु सावसि मावख 'नि फोरमायनाय बादिब्ला गासै 23,61,98,726 सुबुंफोरनो भेक्सिन थुखांवाय। थानाय 24 घन्टायव सा 1,82,182 बेरामिफोरा मोजां जाबाय। बेखौ लाफानानै मोजां जानाय बेरामिफोरनि अन्जिमाया 2,73,41,462 जाहैबाय आरो 13,03,702 एक्टिभ केस दं। माहारियारि रिकभारि हारआ 94.29 जौखोन्दो जाहैबाय आरो स्पताहयारि मोजां जानाय हारआ 5.94 जौखोन्दो। हादतआव करनानि थैनाया गासै सा 3,51,309 जाहैबाय।

करना इनफेक्सनजों सा 30 रोजा गथ 'फोरा राहा गैयै जानांदों



गोदान दिल्ली, 8 जुन: करना इनफेक्सनजों थानाय बोसोरनि मार्चनिप्रय दासिमाव हादतआव गासै सा 30,071 गथ 'फोरा राहा गैयै जादों। बिसोरो बिमा-बिफा सानैखौबो खोमाना लानांदों एबा बिसोरनि सासेखौ सोमानांदों। बे खौरांखौ एन सि पि सि आरआ समबाव होदों। बिसोरो बै उन्दै गथ 'फोरनि जायनि खेफोरथिखौ गुबुन गुबुन राइज्योफोय एनसिपिसिआरनि पर्टाल बाल स्वराजआव आपलड खालामदों आरो बिसोरनो मदतनि गोनांथि जादों। दिल्ली आरो सोनाब बंग 'आ पर्टालआव गावनि फुरा खेफोरथिखौ थिसनाखै। दिल्लीआ बेबायदि सा 17 आरो सोनाब बंग 'आ सा 11 उन्दै

गथ 'फोरनि खेफोरथिखौल ' होदों। सुप्रिम कर्टआ दर्नैबो राइज्योफोरनो बिथोन होदोंदि, बिसोरो बेफोर बायदि गथ 'फोरनि सिनायथिखौ थाबैनो फोरमायो। बेनि अनगायै समबाव कर्टआ पि एम केयास फर चिल्ड्रेन यजनानि खेफोरथिखौ दिन्थिनो थाखाय मिरु सरकारनो आरोबाव माखासे सम होबावनांगोन। फीटआ भाटीनि आर'ज गावनायखौ गनायनानै यजनानि खेफोरथि गथायनो थाखाय माखासे सम होयो। एनसिपिसिआरनिप्रय थिसन्याय हालफनामायाव कर्टनो फोरमायोदि, बाल स्वराज पर्टालआव राइज्योफोरनि आपलड खालामनाय खेफोरथिनि बादिब्ला 2020 नि मार्चनिफ्राय 2021 नि जुनसिमाव हादतआव सा 3,621 उन्दैफोरा बिमा बिफा सानैखौबो खोमानांदों आरो सा 26,176 आ बिसोरनि सोरबा सासेखौ खोमानांदों।

पि एम ए वाइआव आखाय होनायखौ लानानै अन्ध प्रदेशनि गिबि मन्थिआ पिएम मदिनो लाइजाम लिरहरदों



हाइद्राबाद, 8 जुन: अन्ध प्रदेशनि गिबि मन्थि जगन महन रेड्डीआ गाहाय मन्थि नरेन्द्र मदिनो गाहाय मन्थि आवास यजना (पि एम ए वाइ) आव आखाय होनायखौ लानानै लाइजाम लिरहो। पिएम मदिनो लिरहरनाय लाइजामाव सि एम वाइएस जगन महन रेड्डीआ पि एम ए वाइनि गेजेरजों राइज्यो सरकारफोरनो होनाय हेफाजावनि बाहागो महै ग्रीनफील्ड क्लनिफोराव गुदि बिथा बानायनायखौ सोफानो आरो बेनि सोमोन्दै मावख 'फोरनो बिथोन होनो थाखाय बिथांखौ आखाय होनो दाबि दैखाडो। गिबि मन्थिआ लाइजाम लिरहरनाय बायदिब्ला, बे हाबाफारिखौ पि एम ए वाइ, महवा आरो

गामि जौगाखां बिफाननि गेजेरजों सालायनाय जायगासिनो दड्। जेक्ला भारतनि उदांश्रीआ 75 बोसोर आबुं जागोन अब्ला 2022 सिमाव इडाब्लिउएस थाखोनि सुबुंफोरनो पाक्कानि न' होनायनि खोथा होनायखौ बे यजनानि गेजेरजों खालामनाय जागोन। अन्ध प्रदेश सरकार सभी के लिए घर नि स्ल 'गानखौ आवगायहोनायनि हाबाफारि मावदों। गिबि मन्थिआ बुंवावदों राइज्योयाव गासै 68381 एक ड हाखौ आवगिना लानाय हाउस साइडखौ गनानै होनाय जादों। 17005 ग्रीन फील्ड क्लनिआव 30.76 लाख मुलाम्फा मोनगिरिफोर दड्।

गोदान दिल्ली, 8 जुन: अन्टारिय ओन्सोलनि सिटि अफ लन्दनआव थानाय रबिबाराखालि सासे बैसो जायै गथ 'जों लोगोसे साब्रै सुबुंफोरखौ बुथारो। जायगानि पुलिसनि गनायनाय बादिब्ला, बे गंसे मुस्लिम नख 'रनि साबा सुबुंफोरनि सायाव टारगेट एटेक मोन। थैनायफोरनि गेजेरव सासे 74 बोसोर बैसो, सासे 44 बोसोर बैसोनि आइजो, सासे 46 बोसोर बैसोनि हौवा आरो सासे 15 बोसोर बैसोनि हिन्जावसा दड्मोन। आथिखालाव नख 'रनि सुबुंफोरनि आर'ज गावनायाव भुगिनांघ्राफोरनि मु'खौ फोसावनाय जायाखै। बेरा

फारसे, रेखा मोन्नाय गोब्राबे जोखोम जानाय सा 9 बोसोर बैसोनि गथ 'खौ देहा फाहामसालियाव थिसन्याय जाबाय। सुलुनि बायदिब्ला गाग्लोबग्रा 20 बोसोर बैसोनि नथानिएल वेल्डेननि हँथायै हमनो हाबाय। बेनि सोमोन्दै लेडाइ एसपि पल वाइटआ बुडोदि, 20 बोसोर बैसोनि नथानिएल वेल्डेननि हँथायै उतरखारिनि दायबो थानो हागौ। सिबिसिनि रिपर्टनि बायदिब्ला, वेल्डेनखौ थानाय समबारनि सान्जौफुयाव भिडिय लिंकनि गेजेरजों बिजिरसालियाव थिसन्याय जायो। बिखौ जाथाय जानाय जायगानि 6



कि:मि: गोजानाव थानाय गंसे शपिं सेन्टारनिफ्राय ग्रेप्टार खालामदों मोन। मख 'जाथावदि, क्युबेक सिटि मरिजदआव थानाय 2017 आव जानाय गाग्लोबनायनि

उनाव बेयो कानाडाडनि मुसलमानफोरनि हँथायै दासिमनि बयनिखुइ गिख्रंथावसिन गाग्लोबनाय। बे समाव सा 6 सुबुंफोर थैदोंमोन।

गुबुन हादतआव थांग्रा फरायसाफोर, खामानि मावहैग्राफोर आरो गेलेगिरिफोरनि थाखाय गोदान एसअपि फोसावदों

गोदान दिल्ली, 8 जुन : गोबां फरायसाफोर, जायफोरा कभिशील्डनि नैथि डूपनि थाखाय दानिया जायखि जाया फरायसा एबा गेलेगिरिफोरा गावनि गुबुन हादत दावबायनायखौ हेन्सल खालामनांनय नडा। सरकारा बेबायदि फरायसाफोर, खामानि मावग्राफोरा आरो टकिय अलिम्पिकआ बाहागो लानो थानो गोनां गेलेगिरिफोर आरो स्टाफनि थाखाय गिबि आरो नैथि डूपनि गेजेरनि समाय सिमायाव रेहाय होनो थांखि लादों। आथिखालाव 84 साननि जायगायाव 28 साननि उनावनो नैथि डूपखौ थुजानो हासिगोन। राइज्यो सरकारनो दैथायहरनाय गोदान एसअपिआमिरुनि देहा मावख 'आ गुबुन हादतआव सोलौंथायनि थाखाय थाया, थुजानायाव पासपर्ट होयाखैब्लाबो नैथि डूप लानायनि उनाव पासपर्टनि नाम्बारजों लोगोसे भेक्सिन साटिफिकेटखौ बे बिबानगिरिया हरनो हागोन। सीराम इनस्टिटुटनि कभिशील्ड मेक्सन हुनि करना भेक्सनि फारिलाइयाव दं। बेनिखायनो साटिफिकेटयाव खालि कभिशील्ड लिरनायनि अनगा गुबुन खौरांखौ फोरमायनो गोनांथि जानाय नडा।

गोबां फरायसाफोर, जायफोरा कभिशील्डनि नैथि डूपनि थाखाय दानिया जायखि जाया फरायसा एबा गेलेगिरिफोरा गावनि गुबुन हादत दावबायनायखौ हेन्सल खालामनांनय नडा। सरकारा बेबायदि फरायसाफोर, खामानि मावग्राफोरा आरो टकिय अलिम्पिकआ बाहागो लानो थानो गोनां गेलेगिरिफोर आरो स्टाफनि थाखाय गिबि आरो नैथि डूपनि गेजेरनि समाय सिमायाव रेहाय होनो थांखि लादों। आथिखालाव 84 साननि जायगायाव 28 साननि उनावनो नैथि डूपखौ थुजानो हासिगोन। राइज्यो सरकारनो दैथायहरनाय गोदान एसअपिआमिरुनि देहा मावख 'आ गुबुन हादतआव सोलौंथायनि थाखाय थाया, थुजानायाव पासपर्ट होयाखैब्लाबो नैथि डूप लानायनि उनाव पासपर्टनि नाम्बारजों लोगोसे भेक्सिन साटिफिकेटखौ बे बिबानगिरिया हरनो हागोन। सीराम इनस्टिटुटनि कभिशील्ड मेक्सन हुनि करना भेक्सनि फारिलाइयाव दं। बेनिखायनो साटिफिकेटयाव खालि कभिशील्ड लिरनायनि अनगा गुबुन खौरांखौ फोरमायनो गोनांथि जानाय नडा।


सेलिब्रेटिजफोरा पेरिस दावबायनो गाहामसिन मोन्नायनि जाहोनखौ मिबथिना



गोदान दिल्ली, 23 नभम्बर : पेरिसआ मुलुगनि गेजेराव मोनसे सोहोर जायखौ बांसिन सुदुफोरा बेरायदिनो गाहामसिन मोनो। दासोन्दि बलिउडनि देसि गालं प्रियंका चप्राया गावनि हाबानि थाखाय बिमाजों बेवहाय सपिं खालामनायाव मुखुब। प्रियंकाया गावनि

इनस्यग्राम एकाउन्ट्याव हाबानि सपिं खालामनायनि फट' सेयार खालामदों। बेनि गेजेराव रमान्सनि बे सोहोरखौ बलिउडनिफ्राय जागायानाँ हलिउडसिमनि सेलिब्रेटिजफोरा मोजां मोन्नायनि सोमोन्दे सावरायनि।

पेरिसआ गावनि मिथिगायारि समायनाजोंनो ओरेबादि गोसो बोधावना, जेराव सावथुन भावगिरिफोराबो बे जायगानि थासारियाव गोरुबफलेयो। मख 'जाथावदि, पेरिसआ माखासे जरखा बाध्राफोरनि थाखाय मिबथिसारजायो, जैरै-आरिमु दिन्थिफुनाय। अन्नायनि



ए.के. ब्रह्म

दिनेनिफ्राय बेसेबा बोसोर सिगांनि खोथा। जौनि हादतआ अब्ला माखासे फिसा फिसा राइजोआव बुखाव जानायमोन। बेफोरनि मोनसे राइजोआव सासे राजाआ राइजो खु'दोमोन। बिनिनो मुवा ब्रह्मगुप्त। राजाआ जोबोर गोहोगोरा आरो फोरजाफ्रा बिनि राइजो खु'नाय समाव आलो आलो राइजो जादोंमोन। दानफायाव खेबफा गिदि गिदि राजाआ राइजोनि फोरजाफोरनि सुखु-दुखुनि खौरां लाग्रामोन। दुखु-जारलाफोरखौ मोजाडे खबर लाना बेफोरखौ सुसानो नाजानायमोन। फोरजा अनफावरिखायनो ब्रह्मगुप्तआ गाव राइजोनि सिडवथ' खोथा गैया, बाइजोआवबो मुंदांखा मोनो। बाध्रायाव दं-आखाइनि मोनजि आसिफ्रा समान नंजोबा। राजा ब्रह्मगुप्तनि बेलायावबो खोथाया रोखा रोखा खर जानाय। फारसेथिनिफ्राय राजाआ सुखिब्लाबो मोनसे जाहोननि थाखाय बिहा दुखु दंमोन। बिनि सासेल' फिसाज्ला राजखुंगुर इन्द्रगुप्तनि आखुवा राजानि आखुजों हा-अखां फाराख। बेबादि सासे गेदेमा फोरजा अनफावरि राजानि सासेल' फिसाज्लानि आखायखौ दुलाराय राइजोनि मानसिफोरनि खुगा खुगा बु-बु, बा-बा। फोरजाफ्रा जेसेबां राजाखौ मोजां मोनो, बेनिखुइ जिफानि गात्रि मोनो राजखुंगुरखौ। बेबादि आखुनि दाउलखौ सोलाइ होनो राजाआ हागौमानि नाजाबाय; नाथाय गासिबो जाजोबदों 'साफोन

लेववादिनि खुगायाव

बिबोर एरैनो नाजागरनाय। खेबसे राजा ब्रह्मगुप्तनि राइजोआव दुखुदुखुनि थाखियै फेदोंमोन सासे साधु मानसि। फोरजाफोरनि मोनो धोरमनि बाणी, मोजां बोसोन बाइदि फोसाव बायनाने गिदिगलां बायदोंमोन। लोगोआव फोरजाफोरा राजानि सायाव खुसि ना गात्रि मोनखो, बेखोबो मोनथिनो नाजानायसै बियो। उनथाराव बियो मोनथिनो मोनायसैदि फोरजाफ्रा राजखुंगुरनि सायावसो बोराबना दं। फोरजाफोरनि मोनसेल' दुखुनि जाहोना जाबाय राजखुंगुर होन्नाँ मोनथिनो मोननाने साधु-ऋषिआ राजथावनि फारसे रावना होनायसै। थानाय समाव बिहा मोनसेल' जिंगा दंमोन- मा राहाजों राजखुंगुरनि जोनोमजों मोनफानाय दावलखौ गुस्लाइ होनो हागोन? बियो नाथाय गोखोडे थिरां खालामनायसैदि बियो माबा मोनसे खालामगोनखि खालामगोन। सासे गेदेमा सुवुनि आगान गाफेनायाव खुसि जानाने राजाआ साधु मानसिखौ आदर खालामनाने राज-फोलेरनि मानखौ जासिनायसै। राजाआबो दुखुयैनो गावनि अजगय फिसाज्लानि खोथाखौ बुंफोरनायसै। लोगो लोगो बियो राजखुंगुरजों खोथा-बाध्रा रायज्लाइनाने आखल आखुनि सोमोन्दे एसे बुजिना लानायसै। बेनि उनाव बियो राजखुंगुरखौ लानाने बिबार बागानाव लांफानायसै। थांथाय थानाय समावबो गोदे रावजों गोबां बोसोन होलांबाय थानायसै राजखुंगुरखौ। जेब्ला थाडे थाडे सानेबो बिबार बागान मोनहैनायसै, होमब्ला बागाननि खनासेयाव थानाय फुलि फांसेनिफ्राय गाँसेसो बिलाइ सिस 'नाने राजखुंगुरनो होनाने साधुवा बुंनायसै, "इन्द्रगुप्त, बे बिलाइफोरखौ नाइनाने बिफांखौ सिनाइनो हादोंना?" बिलाइखौ फिदि-फिदा नाइनाने इन्द्रगुप्तआ सिनाइनो नाजानायसै। बियो बिलाइखौ बिसिना सालाइजों सोलानायनायसै। मा गोमोथाव। सोलानाय लोगो लोगो बिनि सालाइया थनन्थ 'नो गोनं जानायसै। रागायाव गियान खोमानाने दुगामारा राजखुंगुरआ फुलिखौ नागिरनाने बुखुसे बुखुना बेसेबा गोजानाव गारहरनायसै। ओजोंहा खालु नायबाय थानाय साधुवा बे हाबाखौ नुनाने गुरै रावयै इन्द्रगुप्तखौ बुंनायसै, "राजखुंगुर फुलिखौ मानो बुखु गारखो?" "बिलाइफ्रा एरैबादि गोखा, सावसुबनाय लोगो लोगो सालाइफ्रा थनन्थ' नांदों। फुलियावबो बेयो एरैबादि गोखा, गेदेर जाब्ला आर मा जाबावगोन। बेखायनो, दानो बुखु गारना बेखौ फोजोबसांनंगो। खुगायाव नानाने थानाय गोखानि थाखाय साखाथिख' साखथिख' राजखुंगुरआ फिननायसै। साधुवा जेन' बे बाध्राखौनो राजखुंगुरनि खुगानिफ्राय खोनासंनो लामा नाइना दंमोन। लोगो लोगो बियो बुंखानायसै, "नॉथारखौनो बुंदों इन्द्रगुप्त। फुलियावबो जेब्ला एसेबां गोखा, गेदेर जाब्लाथ' आर बाराय बावगोन! मोजाडनो जाबाय-

नोगोर, फेसन दंखोनि सोहोर, जानाय आदार, समायना, उदांथि समानथि बायदि बायदि। पेरिसखौ आरिमुनि सोहोरबो बुंनाय जायो, मानोना बेवहाय 200 निखुइबो बांसिन दोन्थुमसालि न'फोर दड। बेनि गेजेराव 1793 आव बेखेव जेन्नाय, 'मिउजे टु लुब्र'आ मुलुगनि माखासे जरखा दोन्थुमसालिफोरनि मादाव गंसे, बेवहाय आरिमुनि 35 रोजानिखुइ बांसिन नेरसोन दड। बेनि मादाव बयनिखुइ मुंदांखा लियनार्ड दा भिन्सी 'नि मनालिसा पेन्ट दड। **पेसन नोगोर महैर मुंदांखा** : पेरिसआ मोजां मोनलायनायनि बयनिखुइ साबसिन जायगा। बे अन्नायनि सोहोरखौ आरोबाव समायना सिम खालामग्राया मोनसे 130 मिटर गोजौ इन्जुर, जेराव 300 रावआव' आइ लाभ इउ' लिरनाय दड। लोगोसे पेसननि बाध्रा बुडोब्ला, पेरिसनि मुंदांखा बान्डफोरा मख 'जाथावना। कक', सनेल बान्ड आ आइजोफोरनि फे सनयाव जांखिखांनाय लाबोनो हाग्रा बान्ड गनायना लाजायो। **फ्रान्सिनि जानाय आदार** : फ्रान्सिसि जानाय आदारनि मुजिनाय लानोब्ला पेरिसखौ बावगारनो हाया। फिसा-गिदि गारसै रोखोमनि रेसदुरेन्टफोरा आलासिफोरखौ जोबोर जोथोन लायो।

रंजालि गथ' फोरनि सौरा सिखांदो बयबो निहिर

सिखांदो बयबो
बुहुमनि गासैबो हरियाणो
सिखांजोब्बाय हनै फारि-फारिनो,
जौमालाय मानोथो उन्दुना थाबाय थाबाववो
ग्रिद-ग्रिद दे सिखांदिनि हान्जा-हान्जानो
गोरबो सुखांनो हरिनि
सतबांसा लाना हाबा मावनि
बर' हरिखौ बुहुमाव सिनायथि होनि।
सिखांदो बयबो
सान्जाहा जारां साना नुजाबोगौ
जौनि बरादिनि सानाबो लासै-लासैनो जौंखांबोगौ
सान्जा-सोनाब, सा-खोला लासैनो दावगाबोगौ
अब्लाबो हायाखे गुबुन हरिजों समाने आवगायफानो
सम आरो बोथोरजों खाब जाहोना हाबा माववो
थांथि थिनाय खामानियाव आखाइ होनो
थांथि थिदों, मिजिं लाना एबा मावदों
दसेआववो बावना थांथिफारसे गोहैलो खालामदों
सिखांदो बयबो,
मानोथो गावजों गाव हिंसा-हिंसि जाबावखो
मा लुबैदों, मा नांगो, मा हास्थायदों?
मानो दाबो थांथि थिना लादिया?
जौनि बिमा-बिफाया बे सासेआनो
आरो जों बयबो नख 'रसेनिआनो
अब्ला मानोथो एना-एनि जाबाय थाबावखो।
सिखांदो बयबो
जौंखौ मिनिदों -मिनिगासिनो दं
हनै नायहर-
जौनि हायाववो जौनि जोनोम हादराववो
जौंखौ नासयदों-सुसिना जादों
आखाइनि ओंखाम सेनाने जादों,
बर'नि बरादाबो सोलायदों
नाथाय थोजासे नड खंखलाबोल'।
फै जों बयबो आवुं खालामदिनि,
बड'फानि आद्रा थानाय माखासे सिमांफोरखौ
बर'खौ गेरमसा हारि महैर सिनायथि होदिनि।

भारत मुसाहारी

फुबिलि समाव
सोनाब फैसालिनि
सुदेम बार बारनायजों
गोदान मिजिं लानाने
लांगोनानि लामाजों
बेरायदोंमोन आं
सोनाब अखांनि
जौंथि अलंबारा
मिनिहरदों।
लामानि दुब्रि बिलाइ
सायाव नोजोर होब्ला
नुनो मोनबाय जाथोसे
जौंखोल' निहिर फिथर।
सानजा अखाडव
सारफावबाय हायनारि
आबिरनि गाव
बुहुम बिखायाव
सोरां होफैबाय,
जौंखोल' निहिर फिथरा
लासैनो महर सोलायबाय
जौंथि सनानि महराव।
सोरबा अनजालिनि सोलेराव
जौंथि सनानि महेनाजों
समायसारनाय बायदि समायदों
बुहुम बिखायाव जौंखोल' माखोल।
आंनि गोसोयाबो हास्थायदों
अराय सम सनानि महराव
बुहुम बिखायाव जौना थानो।
हरखाबै जावलिना बराजों
साननि बिदुं राबोनायजों
जौंथि-माथि मोदानफबनाय
सनानि निहिर फिथरा
गैया जालांदों।
समनि दाहाराव
सुजुनाय मिजिंफोरा
गोमोर लानो हमदोंसे
जौंथि-माथि सना गाबनि
निहिर फिथर बायदि।

गोबोंनि अनसेमानो

दाखालि हुरागासे
नों सोंबायबायदोंमोन-
माबोरें दं? नख 'राव माबोरें ??
आं बोलो मोना-मोना
आंनि खबर खोन्थानो माबोरें,
सानदों आं-
नोंनो फोरमायनायावबो आंहा माबा खैफोद ?
संखि-बानलुनि रोखोमसे दावहा,
थाखा-फैसानि नेरलायलायनाय
आरो सिमानि
बेसेदि आय' बिदा फंबायमोनजों।
सिथलायाव गोथां थैफोरनि
खांसोर मोनामनाय
सैमाफोरा सोलास्लिब-सोलास्लिब
उदै बुंजासे गोजोन मिनिंलानाय
बिखौ नुना आय'आ
खाफाला आखाय हमना बवा सिथलायाववो,
आयआ माबा बुंगोन सानदोंमोन जानांगौ
नाथाय जों रावबो खोनासडसै
मुखुब जादोंमोन जों
नोंनिसो गोरोन्यि बिनिंसो दाय
आसि थुयै-थुयै
जों रावबो राव दाय गनायलाया,
जों गावजों गाबनो गावसालायबाय
आरो नै अनसेमा
जों गावसालायनायनिफ्रायनो
मुखुब आंबो बिसोरबो-
नाखेबलायनो गादबलायनो।
दा आंनि बिदा फंबायमोना
न'नि सोरगिदि कर्मक्लिट-वाल होना
एल, सि, सि, एन बायदि जातनि सैमा फिना
न' सिंनिफ्रायनो रायहरो-
गुन्दा, लुस्सा, बैमान बायदि बायदि

जाखोबा आंन अनजालिया बबेनि,

बे सेंग्रा बैसोनि लामायाव
दुंहावनाय दावदाब मोनसेनि
लुबैनाय गोसोनि अरथायाव
समजों गोरुबनाने दैदेनलानो
फोलेर बाराय होलांनो मोनसे थिथायाव
आसा फारिनाय सिनायमौने लाइजाम
नेना थादोंमोन सिरि,।
गोजोन्नाय लानो सानदोंमोन
गावखौनो मानसि हिंसाबै
गावदां अखाफोर बादि नुजाना
गावनि सोरांजों गुबुनखौ
हेफाजाब होनो।
सानदोंमोन बिबार बारिनि
बिबारा गेवलांब्ला नहुरगोन,
बेरे सिखिरी हांखायगोन।
मिजिं लाना दिने थिनाने
दोननाय सनानि आस्ताम
गोसोम दागोजों बुंफबहांबाय।
थिना दोननाय रुपानि मेदेलआ
बोरायहांबाय, नेनाने नोंखौ
असिनाब्लाबो अनजालि साननाने।
बेखौनोथ' नेवावबाय जाखोबा
नों बबेनि थं मोनगोन साननाने।

मुश्री सुर्ज कान्त ब्रह्म

आं सैजो हाया-हाया
न'आव सि-फैफिन्ना
नोंनो फोरमायनो खोलोमल' गंसे दैबाय..
नों फिन सानसे दा सोंफैफिनसै
आं खोन्थानो रॉफिन्नाय नंलिया।
रिसार औवारि
(जि.इ.के. चि)



(1 बिलाड़िनफ़्राय)

(1 बिलाड़िनफ़्राय)

(1 बिलाड़िनफ़्राय)

तामुलपुरआव मिउनिसिपाल बिफाननि गोदान मावख 'खौ बेखेवदों प्रमद बर 'आ

हाबाफारियाव बि टि चि नि गाहाय मावफुं सोद्रोमाया गावनि बिबुंधियाव बुडोदि तामुलपुरआव थांखि लानानै खामानि मावको हानायनि थोजासे खाबु दड' । बेनिखायनो बैफोर खाबुफोरखौ लानानै फेगौ 10 बोसोरनि गेजेराव तामुलपुरखौ मोनसे समायना सोहोर महरै फोजौनो बिथाड मिउनिसिपाल बिफाननि बिबानगिरिफोरनो बोसोन होयो । तामुलपुर मिउनिसिपाल बिफाननि गिबिसिन बिबानगिरि प्रफुल्ल चन्द्र महन्तआ सामब्लायनाय बे हाबाफारियाव प्रमद बर 'आ तामुलपुर बियाबनि एम एल ए रुंसारि लेहराम बर 'नि मोनसे मुसुखाखौ मावख 'नि लांगोनायाव गायसन्नो बोसोन होनानै बेनि थाखाय गोनांथि जानाय रंखौ बि टि चि सरकारनिफ़्राय जगायनाय जागोन होनानै बिथाड फोरमायथियो । दिनै तामुलपुर मिउनिसिपाल बिफाननि गोदान मावख 'खौ बेखेवनाय हाबाफारियाव बि टि चिनि मावफुं सोद्रोमा रनेन्द्र नाजरी, बि टि चिनि गरेस्वर बियाबनि एम चि एल ए पबित्र बर', बि टि चिनि थिसनजानाय एम चि एल ए हेमन्त कुमार राभा, तामुलपुर खाजिना बिफाननि बिबागिरि रूप कमल राभा, तामुलपुर मिउनिसिपाल बिफाननि लेडइ बिबानगिरि बानि कान्त बसुमतारी, इउ पि पि एलनि मिरु आफादनि नेहाथारि मुजिब आलि आहमेद, तामुलपुर ब्लक इउ पि पि एल नि आफादगिरि निरन्जन डेका, नेहाथारि कबिन चन्द्र बसुमतारी, टि चि एल चि चि नि बिबानगिरि पबित्र बर 'मोनखौ लाफानानै इउ पि पि एल आरो बि जे पि दोलोनि गोबां दैदेनगिरि-सोद्रोमाफोरारबो बाहागो लादोंमोन । बेनि उनाव खौरांगिरिफोरनि सिगाडव बि टि चिनि गाहाय मावफुं सोद्रोमा प्रमद बर 'आ बुडोदि फेगौ समाव थिसन्थाय होनायनि बिथिडव साखोन-सिखोन लाबोनानयनि राहा लानाय जागोन । लोगोसे बे समनिफ़्रायनो घुस लानाय एबा होनाय मोननैखौबो दाय महरै मानिनाय जागोन । साखिनि थाखाय घुस लाग्राफोरखौ साखिनिफ़्राय बोख्खायनाय जागोन, बेबायदिनो साखिनि थाखाय घुस होग्राखौबो साजा होनाय जागोन, बेनिखायनो फेगौ समाव साखिनि थाखाय रावबो सुबुड जाहते घुस होया बेनि थाखाय बिथाड सुबुफोरनिरिसिम खावलायहरो । गाहाय मावफुं सोद्रोमाया बुंबावोदि तामुलपुराव मिउनिसिपाल बिफाननि गंसे मावख ' नांगौ होनानै गोलाव समनिफ़्रायनो दाबि दैखांबोदोंमोन । बे बिथिडव दिनै तामुलपुरआव मिउनिसिपाल बिफाननि मावख 'खौ बेखेवनाय जादों । तामुलपुरखौ थाबैनो जिल्ला महरै फोसावनायनि बाश्राखौ फोरमायथिनानै बिथाड बुडोदि तामुलपुरखौ जिल्ला महरै फोसावगोन होनानै आसामनि गिबि मन्थ्र ७ हिमन्त बिश्व शर्माया खोथा होदोंमोन । अदेबानि खोथा होनाय बादियैनो फेगौ 15 आगप्टनि उनाव तामुलपुरखौ जिल्ला महरै फोसावनाय जागोन । गिबि मन्थ्रया खोथा होनाय बायदिनैनो खामानिखौ मावफुंगोन होनानै मिजिथिनाय फोरमायो बि टि चिनि गाहाय मावफुं सोद्रोमा प्रमद बर 'आ ।

मेट्रिक आरो हायार सेकेन्डारि आन्जाद खुंनायखौ लानानै गोनांथार मेल

आफादखौबो हांखायनाय जादों । गुबैयै बे मेलाव मेट्रिक आरो हायार सेकेन्डारिनि आन्जादखौ लानानै सावरयनाय जादोंमोन । सावरयनायनि गेजेरजों इयुनाव माहारियारि आफाद आरो सरकारनि गेजेराव जयै हाबा मावलांनो थांखि लानाय जादों । मेल जोजनानयनि उनाव एबसुनि आफादगिरि दिपेन बर 'आ दिनैनि बे मेलाव सावरयनायनि बागै मिबिथिहोनाय बादिब्ला, सावरयनायनि गेजेरजों फरायसाफोरनि इयुन जिउनि थांखि आरो केरियाखौ लानानै आन्जादखौ खुंनांगौ बाश्रायाव सरकार आरो आसामनि माहारियारि आफादफोरनि थांखिआ रोखोमसेयै बेरखादों । लोगोसे दिनैनि सावरयलायनायनि गेजेरजों मोननैसो थांखिफोरखौ आजवानानै लायो । थांखि आजवानानै लानायफोरनि गेजेराव दड-फरायसाफोरनि इयुन जिउनि थांखि आरो केरियाखौ नायनानै फरायसाफोरनि जेबो जिउनि खहा जाहोयालासेनो गोदान एसअपि दानानै आन्जादखौ खुंफुंनाय, कभिड-19 एबा महामारि करना भाइसनि आथिखालनि आबहावखौ नायनानै मेट्रिक आरो हायार सेकेन्डारिनि आन्जादआ जुलाइ दानआव खुंजायाब्लाबो फेगौ आगस्ट दाननि गिबि सप्ताहआव खुंफुंनाय, लोगोसेनो आन्जादखौ 15 आगस्टनि सिगां खुंफुंनानै 5 सेप्टेम्बरनि सिगांनो आन्जादनि फिथाइखौ फोसावनाय, मोनथाम आयदानि सायावको आन्जादआ खुंजायोब्ला आयदाफोरखौ फरायसाफोर सायख 'नो हानाय आरो आन्जादखौ 100 नम्बरनिनो खुंफुंनाय, बांसिन नम्बर मोन्नाय आयदाखौ नायनानै गुबुन मोनथाम आयदानि नम्बरखौ फरायसाफोरनि मुलाम्फा नायनानै होनाय । जर 'खायै बेफोर आयदानि सायावको दिनैनि बे गोनांथार मेलाव सावरयलायनाय जादों । बे मेलाव हांखायजानाय बादियै दुलाराय बर ' फरायसा आफादनिफ़्रायबो आफादगिरि दिपेन बर ' आरो बोसोनगिरि खुंखा स्वर्गियारिआ बाहागो लादों ।

गसाइगावआव आयेन बेरेखा फालांगिरिनि हेंथायै महकुमा खुंथाया हाबाफारि लादों

मोनसे हान्जाया पुलिसनि हेफाजाबाव गसाइगावनि 31 नं माहारियारि राजा लामाजों नांजाबफानाय रामनाथ ब्रक्ष मुनि सुबुनि गंसे गुडामाव आयेन बेरेखायै माइरं आरो खेरसिन थाव दोनथुमनायनि बागै फोथायजाथाव सुलुं मोन्ानयनि बिथायाव सिग्रोमनाय हाबाफारि लायोब्लाबो बे जाथायनि गाहाय दायनिगिरिया खाखुमा लाडे । आथिखालाव बे जाथायनि सायाव पुलिस-खुंथाया नायबिजिनयय हाबाफारि लादों आरो बोखांनो हानाय माइरं आरो खेरसिनफोरखौ हमनायजों लोगोसे गुडामखौ सिल खालामनाय जादों होना मिथिनो मोन्नाय जादों । गुबुन फासैथिं गुडामनि बिगोमा रामनाथ ब्रक्षनि गुडामखौ सोर भारा लादोंमोन आरो बेबायदि आयेन बेरेखा फालांगिरिजों सोर सोर सुबुंफोरा लोब्बा दड' बेनि सोमोन्दै मिथिनो थाखाय नायबिजिरागसिनो दड' । बेराफासै बे जाथायनि उनाव आयेन बेरेखा फालांगिरिफोरनि गेजेराव गिखांनय थासांरि सोमजिनायखौ नुनो मोनदों । गसाइगाव महकुमा सदर सोहोरनि माखासे गुडामफोरव जगायथाय बिफाननि मेगनाव हाड्रि सारनानै आयेन बेरेखायै गोनांथार मुवा-बेसादफोरखौ दोनथुमनाय आयेन बेरेखा फालांगिरिफोरनि हेंथायै आथिखालाव महकुमा खुंथाया गोखौं राहा लानायखौ नुनो मोन्नाय जादों ।

लिस्बनयाव नीरज चपड़ाआ 20 जुनयाव बादायलायनायाव बाहागो लागोन

गोदान दिल्ली, 8 जुन :

अलिम्पिकनि थियारि खालामनायाव नांथाबनाय भारतीय जेब्लिं खुबैग्रा नीरज चपड़ाया 20 जुनआव लिस्बनआव मोनसे जानो गोनां बादायलायनायाव बाहागो लानो थाखाय पर्तुगालयाव सौहैबाय । लिस्बनयाव बियो हुदा खालामनायजों लोगोसे बादायलायनायावबो बाहागो लानो हागोन । बियो गोबां मख 'जाथाव मानोना माखासे हादतफोराव भारतीयफोरा बेवहाय सौहैनायाव क्वारेन्टाइन थानादों । चपड़ाया माखासे सप्ताह सिगां बुंदोंमोनदि, बादायलायनायाव बाहागो लानो मोनयैनि जाहोनाव गावनि अलिम्पिक थियारि खालामनाया गोहोम गोर्लदों । मुलुगनि



बारग' नम्बर 1 गेलेगिरि दीपिका कुमारीनि सामलायनायाव भारतीय आइजो आसॉरि टीमआ 20 जुननिफ़्राय जोबथा अलिम्पिक क्वॉलिफिकेसन बादायलायनायाव बाहागो लानो थाखाय बेवहाय सौहैबाय ।

टकिय अलिम्पिक आ 23 जुलाइनिफ़्राय जागाय जेनगोन । भारतीय आसॉरि फसंथाननि सेक्रेटारि गुन्जन अन्नलआ बुंदों भारतीय आसॉरिफोर 10 साननि क्वारेन्टाइन थानादों । अलिम्पिक क्वॉलिफियरनि जाहोनाव हौवा हान्जाया गिबियावको बेवहाय

बाक्सानि भुटानखुटियाव हाग्रानि मैदेरनि फालोया न'-बां, आबाद सिलिंखार खालामदों

गोमादों आरो एखनबा हाग्रानि जिब-जुनादनि जिउ गोमाबोदों । बेबायदिनो थानाय समबारखालि हरनि समाव बाक्सा जिल्लानि मुसलपुर महकुमानि सिडव थानाय भारत-भुटान सिमा साखाथिनि भुटानखुटियाव हाग्रानिफ़्राय आदार नागिरनानै गामि ओन्सोलाव हाबफैनाय मैदेरनि फालोया गंनै नखरफोरनि न'-बां सिफायनायजों लोगोसे आबादखौबो खहा खालामलाडे । हरनि खमैबो 2 रिगासो समाव अखा हाफुबाय थानाय समनि गेजेरावको गामियाव हाबफैनाय मैदेरनि फालोआ गामिनि थागिबि ध्रुव पौडेल आरो सबिलाल खेरल मुनि सानै सुबुनि न'-बांखौ सिफायनायजों लोगोसे बारियाव थानाय नारेंखल, गय आरो मैगं-थाइगं आबादफोरखौबो खहा खालामलाडे । मख 'नो गोनांदि हाग्रानि मैदेरनि फालोया न'-बांफोरखौ सिफायनाय समाव गंनैबो नखरनि सुबुंफोरा न' सिडवको उन्दुबाय दड'मोन । खुनुरोखोम न'निफ़्राय बायहायाव खारबोनानै जिउ रैखा मोनो गंनैबो नखरनि सुबुंफोरा । बेबायदिनो सानफ्रोमबो हाग्रानि मैदेरफोरनि उदखार खालामनाय समनि गेजेरावको जिउ खांबोनो गोनां जादों भुटानखुटि ओन्सोलनि सुबुंफोरा ।

कक्राझारआव ड़ागस बाहायग्रा सा 5 सुबुंफोरखौ हमदों

बिफाननि गोखौं हाबाफारि लानानयनि फिथाइ महरै दासादि रइज्योनि दाब-दाब ओन्सोल्फोराव आइन बेरेखायै ड़ागस आरो गुबुन फेग्रा मुवा-बेसाद फालांगि खालामनाय आरो बाहायनायजों लोब्बा थानाय गोबां सुबुंफोरखौ खानो हानायजों लोगोसे गोबां बिबानि ड़ागस आरो गान्जाफोरखौबो बोखांनो हाबाय थादों । बुब्लियावको कक्राझार पुलिसआबो जिल्लाययाव ड़ागस फालांगि खालामनाय आरो बाहायनायनि फासै गोखोडे नोजोर लाखिबाय थादों । फिथाइ महरै कक्राझार पुलिसआ मंगलबारखालि बेलासि 4.00 रिगासो समाव समाव कक्राझार सहरनि दाबनै जायगानिफ़्राय ड़ागस सोबग्रा एबा बाहायग्रा सा 5 सुबुंफोरखौ हमनो हादों । बिसेरनिफ़्राय मोन 21 ड़ागस कन्टेनरखौबो बोखांनो हादों । पुलिसनि सुलुडव मिबिथिहोनाय बादिब्ला, डिएसपि पुनमजित पेगुनि दैदेन्यायव आरो कक्राझार पुलिस थानानि एसपि दिपक शहकियानि हेफाजाबजों ड़ागस सोबग्रा सा 5 लाइमोनफोरखौ हमनो हादों । बिसेरखौ कक्राझार पुलिस थानायाव लाबोनानै सौनाय फिन्नायजों जेर खालामगसिनो ।

चिरां जिल्लाययाव गासै सा 25 सुबुंफोरनि मोदोमाव करना सिनायथिदों

1222 सुबुंफोर । बेनिनो दिनैसिम गासै सा 996 सुबुंफोरा बेरामनिफ़्राय हामखांबाय आरो आथिखालाव एक्टिभ बेरामनि हारा सा 211 सिम जाहैबाय ।

आसामनि गासै सरकारि मावखुलिफोराव हादरगिरि, गाहाय मन्थ्र आरो आसामनि

दावबायहेगोन । बे मेलाव थांखि लानाय बादियै दरं जिल्लानि सिफाझार आरो गुरुकुति ओन्सोलाव आइन बेरेखायै दखल खालामनानै थानाय 77,000 बिधा सरकारि हाफोरखौ उदां खालामनाय जागोन ।

बडाइगाव जिल्लानि

गेरुकाबारिआव आइन बेरेखा माइरं बोखादों

समाव माइरं बस्थाजों आबुं बे बलेर' पिकआप गारिखौ लाखियो आरो नायबिजिरो । गारि सालायगिरिआ माइरं लाबोनानयनि जेबो रोखा फोरमानलाइफोर दिन्थिनो हायेलाय पुलिसआ गारिखौ हमो । लोगोसे गारि ड़ाइभार मिजानुर रहमान (25) आरो हेन्डिमेन आनवार हुसेइन(31) खौ हमनो मोनो । पुलिसआ मिबिथिहोनाय बादिब्ला, गारि ड़ाइभार मिजानुर रहमानआ बरपेटा जिल्लानि सिडव थानाय नांला गामिनि थागिबि आरो हेन्डिमेनआ सेनिमारि गामिनि थागिबि । जाथायनि सायाव गेरुकाबारि पुलिसआ संदानगसिनो ।

कमनवेल्थ गेम 2010 नि दाय जाबसिन जानाय भनटआ टकिय अलम्पिकआव थान्दै महराव नुजाहैनाय नडा

गोदान दिल्ली, 8 जुन: आइ अ ए आरो ए एफ आइआ

दिल्ली हाइ कर्टनिरिसिम मिथिहोदोंदि, कमनवेल्थ गेम 2010 आव गोनाखान्थिनि केसआव दाय होजानाय ललित भनटआ भारतनि जानानै टकिय अलिम्पिकआव नुजाहैनाय नडा । आइ अ ए आरो ए एफ आइ आ बे फिन्नायखौ गांसे अजदलाइयाव फोरमायदों, जेराव आर'ज गाबनाय जादोंदि,



भनटखौ जानो गोनां टकिय अलम्पिक, एसियानि खेलाफोर

आरो कमनवेल्थ मेचफोरजों लोगोसे गासैबो हारियायारि मेच खुंनायाव आइ अ ए, ए एफ आइ आरो भारतनि जानानै दिन्थिफुंहोनायखौ होबथानांगौ । मख 'नो गोनांदि, भनटनि सायाव थगायनाय, खैसार सानाय आरो सरकारि धोन बाखिनिफ़्राय 90 कौटि रं ख'हा खालामनायनि सायाव दाय जाबसिन्नाय जादोंमोन । भनटनि अनगायैबो मेच सालायग्रा कमिर्टिनि आगु

आफादगिरि सुरेस कलमारीजों लोगोसे सा 9 सोद्रोमाफोरनि सायाव दाय जाबसिन्नाय जादोंमोन । बिजिरगिरि मनमहन आरो नवीन कवलातिन पीडआ आइ अ ए आरो ए एफ आइ नि बिबुंधिखौ गनायनानै केसनि खोनासं होनायखौ फेनो गोनां 8 जुलाइसिमनि थाखाय दोनथबाय । आइ अ एनिफ़्राय गागि उकिल प्रमद कुमार दुबे आरो ए एफ आइनि जानानै उकिल हपिकेस बरुवाआ पीठनिरिसिम फोरमायदोंदि, भनटआ थान्दैनि महराव टकिय अलिम्पिकआव दावबायनाय नडा । अन्ध प्रदेशनि आगुनि खारग्रा आरो माहारियारि एट्लिटिक्स चैम्पियन एन गमी रेड्डिआ अजदलाइ थिसनानै आइ अ ए आरो ए एफ आइ आव गुबुन गुबुन समिर्टिनि हाबाफारि पोरिषदनि सोद्रोमाफोर, आफादगिरि आरो सोद्रोमानि महराव भनटखौ थिसननायखौ बन्द' खालामनो दाबि दैखादों ।

अली रबिन्सनखौ सास्पेन्ड खालामनायाव ब्रिटेइनि गेलेमु मन्थ्रिआ रागा जोंदों

लन्डन, 8 जुन : ब्रिटेइनि गाहाय मन्थ्रि बरिस जनसनआ इंग्लेन्ड एन्ड वेल्स क्रिकेट बर्ड (इसिबि) निफ़्राय बोरोन बोखावनाय खान्थि आरो आथोनजों सोमोन्दो थानाय दुइटखौ लानानै इंग्लेन्डनि गोखौं बल खुबैग्रा अली रबिन्सनखौ सास्पेन्ड खालामनाय केसयाव हादतनि गेलेमु मन्थ्र अलिबर डाउडेननि गेजेरजों बिबुंधिखौ होनायखौ हेफजाब होदों, जेराव इसिबिनि सायाव दाय जाबसिन्नाय जादोंदि, रबिन्सननि केसयाव बर्डआ गोखौं आबु दिन्थिदों । हारिमु मन्थ्रिआ दुइट खालामनानै लिरदोंदि, रबिन्सनआ जेब्ला जेना गोनां दुइट खालामदोंमोन, बे समाव बियो उन्देमोन आरो दिनै बियो सासे बुजिनो आरो मोजों आखालनि

सुबुं जाबाय । डाउडेनआ बुंदोमोनदि-इसिबिआ अली रबिन्सनखौ सास्पेन्ड खालामनायनि सोमोन्दे फिन सानफिन नांगौ । गाहाय मन्थ्र जनसननि मावख 'यारि बुंधिगिरिआ मोनसे बिबुंधियाव बुंदों गाहाय मन्थ्रिआ अलिबर डाउडेननि बिबुंधि होनायखौ हेफजाब होयो । अलिबर डाउडेनआ बुंदों, बेथो 10 बोसोरनिफ़्रायबो बांसिन सम सिगां होनाय बिबुंधिमोन आरो बै समाव रबिन्सनआ उन्दै बैसोनिमोन । बेनि थाखाय बियो गासिबोनावबो निमाहा बिबाय । रबिन्सनआ इंग्लेन्डनि हेंथायै 10 जुननिफ़्राय जागायजेन्नो नागिरनाय टेस्ट सिरिजनि नैथ मेचयाव गेलेनो मोन्नाय नडा ।



आमिर खानआ एक्टिंजों लोगोसे चेसआवबो आखा-फाखा

गोदान दिल्ली, 8 जुन: सम चेसनि फारसे गावनि मावने बलीउड सुपारस्टार आमिर खानआ इन्डस्ट्रीनि मुंदांखा स्टारफोरनि फारिलाइयाव सानजायो। बियो गावनि केरियारआव माखासे सुपारहित सावथुनफोरखौ होदों। आमिर खानखौ आलादा रोखोमनि सावथुनफोरनि थाखाय मोनथिनाय जायो। बियो गावनि एक्टिंजनि अनगायै गावनि मोनसे आलादा टेलेन्ट एबा चेसनिबो आखा-फाखा गेलेगिरि। बियो गावनि बे टेलेन्टजों फेन्सफोरखौ माखासे खेब एन्टारटेन्मेन्ट खालामखाबाय। बिखौ सम



फारसे होदों। मख 'नो गोनांदि, बिसोर सानैनि गेजेराव बे मेचआ 13 जुनआव जागोन। चेस डट कम इन्डियानि फारसे आमिर आरो बिस्वनाथन आनान्दनि गेजेराव जानो गोनां मेचनि सोमोन्दे टुइट खालामनाय जादों बे टुइटआव लिखदों, जाय समखौ

समावबो आमिरआ वर्ल्ड चेम्पियनखौ मेचआव समान समनि सेलेन्स होदोंमोन, जायजों बिस्वनाथन आनान्दआबो गोबां इम्प्रेस जादोंमोन। आमिर खाननि वार्कफ्रन्टनि बाश्राखौ बुडोब्ला बियो आथिखालआव गावनि रिलीस जानो गोनां सावथुन लाल सिं चडदाखौ लानानै गोबां खौराडव थाबाय थादों। सावथुनआव बिखौ सरदारनि फावआव नुनो मोनगोन। फारसेथिं बे सावथुनआव बिजों लोगोसे फावखुंगि करीना कापुर खानआबो फाव खालामगोन। बे सावथुनआ टम हेंक्सनि सुपारहित सावथुन दा फरेस्ट गम्प 'नि अफिशिये ल रीमेक।

गाहाम देहानि राहा

थायबेंआ देहानि माखासे जेनाफोरखौ बोसंनायाव मदत होयो

गोलोम बोथोराव सानफ्रोमबो थायबें नेम खान्थि बादियै थायबेंखौ जाबाय थायोब्ला जायोब्ला देहायाव दैन बिबाड थि रोखोमै थायो आरो गुदुं बोथोराव डिहाइडे सननि मैहुर जानानिफ्रायबो रेखा मोनो। थायबेंखौ जानायनि अनगायै मोखाडव फुन्नानै लायोब्ला साननि रोदानिफ्राय मोखांनि बिगुरखौ रेखाथि होनो हायो। थायबेंआ गोलोम बोथोराव सानस्क्रीननिबो हाबा मावयो। बेजों दोगोन जाहोग्रा बाहागोयाबो थि रोखोमै थायो। थायबेंआ देहानि मैलाखौ बाइजोयाव दिहुन हरो।


माही विजआ कभिड-19 नि पजिटिभ जानानै फंबायनि थैनायाव इमशनेल पस्टखौ शेयार खालामदों



गोदान दिल्ली, 8 जुन: करना जेनायाव माखासे सुबुंफोरा गावनि नख 'रनि सुबुंफोरखौ खोमाना लादोंब्ला, गुबुन फारसेथिं बावैसो समाव मुंदांखा टीथि फावखुंगि माही विजआबो मोनसे इमशनेल पस्ट शेयार खालामदों। बियो बे पस्टआव फोरमायदोंदि, गाव कभिड-19 नि पजिटिभ जानाय फंबायखौ खोमाना लाबाय। बे पस्टआव माही विजआ सनु सुदनि मोनसे

सुदनि थाखाय केप्शनआव लिखदों सनु सुदआ आनि फंबायनि थाखाय बेड जगायना होनानै मदत खालामनायनि थाखाय साबायखर। बेबायदि समाव जेब्ला आनाव साहस गैयामोन अब्ला नोंथाड आनो आसा होदों। आं आनि फंबायआन 'आव फेफिनगोनखौ आसा खालामदोंमोन आरो नोंथाड नंगुबैजों गोबां नाजादोंमोन। आं नोंथानि फारसे जेब्लाबो अन्याय थागोन। नोंथानि गोसोनि बै फागथि गैयै आखुनि सायाव जेब्लाबो साबायखर बावगोन, जाय सुबुंफोरखौ मदत खालामो सनु सुदनि अनगायै माहीआ गुबुन सुबुंफोरखो गोवनि फंबायखौ मदत खालामनायनि थाखाय साबायखर बुंदों। माहीआ सनु

'अनुपमा'नि मुंदांखा फावखुंगि रुपाली गांगुलीआ गद भाराइन गोजाम सावगारिखौ शेयार खालामदों



गोदान दिल्ली, 8 जुन: 'अनुपमा' सीरियालआव गाहाय फाव खालामनाय रुपाली गांगुलीआ इन्सटग्रामआव मोनसे मोजां सावगारिखौ पस्ट खालामदों। सावगारियाव बिनि फिसाइ अश्विन बर्माखौबो नुनो मोन्दों। बे सावगारिया बिनि गड भाराइन। रुपालीखौ गोजा आरो गल्डेन गावनि सारियाव गोबां समायना नुदों। पस्टआव बिनि गावनि फिसाइनि थाखाय रमान्दिक मे सेजबो लिखदों। रुपालीआ लिखदों, आं नोंखौ गोसोखाड.....आं जोंखौ गोसोखाडे, जेब्ला आं बिजों लोगोसे थायो अब्ला बेबादि मिनियो। बे गोजाम सावगारिआ आनि गदभाराइन। रुपालीनि फिसाइ अश्विनआ सासे बिजनेसमेन। बिसोर सानैआ 2013 आव जुलि जादोंमोन। बिसोरनि गिबि फिसाज्जला रुद्रान्सआ 2015 आव जोनोम जादों। रुपालीआ बे समाव गुजरातआव दड आरो 'अनुपमा'नि शुटि खालामगसिनो दड। कभिडनि जाहोनाव महाराष्ट्रआव शुटिखौ होबथादों। माखासे सीरियालफोरनि शुटिआ गुबुन राइज्योफोराव जादों। रुपालीआ सेटनिफ्राय बिहाइन्ड दा सीन सावगारिफोर आरो भीडियफोरखौ गावनि इन्सटग्रामआव पस्ट खालामबाय थायो। थानाय दानआव बिनि फिसाइ अश्विनआ फिसाज्जला रुद्रान्शखौ लानानै रुपालीनो सारप्राइज होनो सौहेंदोंमोन। रुपालीआ लिखदोंमोन आं न'आव थांनो हाया, बेनि खायनो आनि सानै हटिआ आंखौ लोगो हमनो फेंदों।

भुमिका चावलाया 'बिग बस 15' खौ लानानै बाश्रा बुंदों



गोदान दिल्ली, 8 जुन: फावखुंगि भुमिका चावलाया बै नंखाय बाश्रा बानसावनायखौ नंखाय होनानै फोरमायदों जेराव बियो बिग बस 15' नि अफार मोन्दों आरो सलमान खानजों लोगोसे आरोबाव खनसे स्टेज सेयार खालामगोन होनानै बुंनय जादोंमोन। आथिखालाव फावखुंगिया गावनो बे खौरांखौ सोंखारिनानै बुंदोंदि, गावखौ बे श्व 'नि थाखाय एप्रज खालामनाय जायाखै। भुमिकाया गावनि इन्सटग्राम हेन्डेलआव 'बिग बस 15' उनाव बाहागो लागोननि खौरांफोरखौ नंखाय होनानै फोरमायदों। भुमिका चावलानि सिगां 'नागिन 5' नि मुंदांखा सुरधि चन्दनाया ससियेल मिडियाआव बिस बस 15 नि थाखाय एप्रज खालामनायनि खौरांफोरखौ नंखाय होनानै फोरमायदोंमोन। फारसेथिं कसौटि जिन्दगी-2 नि मुंदांखा फावखुंगु पार्थ समथानआ बे श्व 'आव थांनो गनायाखै। भुमिकाया गावनि इन्सटग्राम हेन्डेलआव लिखदों, बेयो थार नड। आं बिग बस 'नि

जेबो अफार मोनाखै। जुदि आंनो बे श्व 'आ अफार खालामोब्लाबो आं बे श्व 'खौ खालामनाय नड। आं बिग बसनि गिबि, नैथि थामथि सिजेनजों लोगोसे गुबुन सिजेनआव बाहागो लानायनि अफार मोन्दोंमोन। आं बे गासिबो अफारफोरखौ गनायाखैमोन। मख 'नो गोनांदि, भुमिका चावलाया बलिउडनि माखासे सावथुन फाव खालामदों, नाथाय दिनैसिमबो सुबुंफोरा बिखौ सलमान खाननि हिर 'इननि मुंजों मोनथियो। मानोना सावथुन 'तेरे नाम' आव सलमान खानआबो भुमिकाखौ एप्रज खालामदोंमोन। बे

महित रैनाया सारा शर्माजों लोगोसे सा 4 सुबुंफोरनि हेंथायै केस थिसन्दों

गोदान दिल्ली, 8 जुन: टेलिभिजन सीरियाल देवों के देब महादेबजों गावनि सिनायथिखौ बानायनाय फावखुंगुर महित रैनाया बे समाव गोबां खौराडव थादों। महितआ बावैसो समाव फावखुंगि सारा शर्माजों लोगोसे सुबुंफोर खौसेयै महितनि हेंथायै बिनि जिउआ जेंनायाव दड होना दाबि दैखादोंमोन। जायनि जाहोनाव बे केसखौ थिसन्दों। मख 'नो गोनांदि, सारा शर्माआ तिलेश तिवारीजों लोगोसेयै महित रैनाखौ लानानै सशेल मीडियाआव महितखौ रेखाथि होनारनि अभियान सालायदोंमोन। बिसोरनि बायदिब्ला महितनि जिउआ जेंना गोनां जादोंमोन। बे अभियानआव बे सुबुंफोरा फोरमायदोंमोनदि, सुशान्त सिं राजपुत बादिनो महित रैनायाबो



थैनो हागौ। नाथाय बिसोरनि दाबि दैखानायखौ सोंखारिनानै महित आरो बिनि नख 'रनि सुबुंफोरा आथिखालआव सोराडाव फेंदों आरो बिसोर महितआ मोजाडैनो दडहोनानै फोरमायदों। बे जाथायनि उनाव महितआ बरीवली कर्टआव सौहैयो। जायनिफ्राय सोमोन्दो गोनां पुलिसनो महितनि

दैखानायनि केस थिसन्दों। महित रैनाया बे केसआव गावनि मोनसे मावख 'आरि बिबुंथिखौबो फोसावदों। महितआ बुंदोंदि, आं बे बाश्राखौ रोखा खालामोदि, आं आयेनारि दावहानि गेजेराव दड। बे

केसआव आं मोनसे एपआइआरखौ आरोबाव थिसन्दों। आथिखालाव बे समाव बम्बे हाइ कर्टनि सिगाडाव केस थिसन्यायनि जाहोनाव आं बेनि डिटेल्खौ होनो हाया।

फिन्नायखौ थिसनो आरो नायबिजिनो बिथोन होनाय जादों। अजद थिसन्याय बायदिब्ला गेरेगाव पुलिसआ महितनि फिन्नायखौ रिक्ड खालामनानै सारा शर्मा आरो बिनि गुबुन लोगोफोरनि हेंथायै दायनि खैसार सानाय, पुलिसनो नंखाय खौरां होनाय, हुमखि होनाय आरो रंखाथि दाबि

दिब्या खसला कुमारआ पर्ल वी पुरीनि सायाव जाबसिनाय दायनि सायाव बाश्रा बुंदों

गोदान दिल्ली, 8 जुन: बैसो जायै लाइमोनखौ जिनाहारि खालामनायनि दायव ग्रेफार जानाय टिथि फावखुंगुर पर्ल वी पुरीनि सापट्याव माखासे टिथि स्टारफोरा सोराडाव फेंदों। इन्डस्ट्रीनि मुंदांखा डाइरेक्टर आरो प्रडिउसार एकता कापुरनिफ्राय लानानै दिब्या खसला कु मारजों लोगोसे माखासे गिदिर स्टारफोरा पर्ल पुरीखौ हेफाजाव होदों आरो बिखौ दाय गैयै होनानै



फोरमायदों। बावैसो समाव दिब्याआ गावनि इन्सटग्रामव मोनसे गोलाव पस्टखौ सेयार खालामदों, जेराव बियो पर्लखौ दाय गैया होनानै फोरमायनानै बिजिनारयखौ दाबि खालामदों। फारसेथिं आथिखालाव दिब्याआ

'दा लन्चबक्स'नि कास्टिं बिथोनगिरि सहर आली लतीफआ रुंसारि जाबाय

गोदान दिल्ली, 8 जुन: बलीउडआव आरोबाव खनसे दुखुनि थासारिया सोमजिदों। 'दा लन्चबक्स' आरो दुर्गामती बायदि सावथुनफोरनि थाखाय हाबाफारि मावनाय मुंदांखा कस्टिं बिथोनगिरि सहर आली लतीफआ रुंसारि जाबाय। बियो 40 बोसोरनिमोन। काडियक एरेस्टनि जाहोनाव बियो रुंसारि जाबाय। सहर आली लतीफआ मुम्बाइनि लीलाबती देहा फाहामसालियाव जोबथा हां बोदों। बिनि किडनीआ गात्रि जादोंमोन। बेनि जाहोनावनो बिखौ लीलाबती देहा फाहामसालियाव थिसन्दोंमोन। बियो गासै 8 सानसिम देहा फाहामसालियाव थिसन्दोंमोन। बिनि रुंसारि जानायजों बलीउड सावथुन इन्डस्ट्रीआव दुखुनि थासारि सोमजिदों। माखासे स्टारफोर आरो बानायगिरि-बिथोनगिरिफोरा सहर आली लतीफनि रुंसारि जानायव दुखु



मोन्नायखौ फोरमायदों। सावथुन दा लन्चबक्सनि फावखुंगि निमूत कोरआ सशेल मीडियाआव बिनि रुंसारि जानायनि सायाव दुखु फोरमायदों। बियो गावनि मावख 'आरि टुइटर एकाउन्टआव सहर आली लतीफनि सावगारिखौ शेयार खालामदों। बे सावगारिजों लोगोसे बियो गावनि टुइटआव लिखदों। मुम्बाइनि बयनिखुइबो अन्जालु, बयनिखुइबो मोजां सुबुंफोरनि गेजेराव सासे, आंनो गावनि जिउखौ बान्या होदों। बे खौरांखौ बुजिनो नाजादों।

फावखुंगि हुमा कुरैशीआबो इन्सटग्रामनि स्टरीआव सहर आली सतीफनि सावगारिखौ शेयार खालामदों। बेजों लोगोसे बियो केप्सनआव लिखदों आं फोथायनो हायाखै दि, नों नागारलांबाय। राजकु मार रावआबो सहर आली लतीफनि सावगारिखौ शेयार खालामनानै बिबार बाउदों। फारसेथिं सावथुन 'दा लन्चबक्स'नि बिथोनगिरि रिशे बयाआबो बिखौ सशेल मीडियाआव गोसो खांदों आरो बिबार बाउदों।

जेराव करनानि मोनसेबो केस गैया बेयाव हाथाय बाजारआ खुलिनो हासिगोनः शिबराज सिं

पाकिस्तानआव दैयाव भेन गलांनायजों सा 17 सुबुंफोरनि जिउ ख 'हा

भपाल, 8 जुनः मध्य प्रदेशआव मोनसेबो जिल्लाया रेड जनआव फैयाखै। करना इनफेक्सननि हारआबो लाश्रियैनो दावखलायागसिनो। बे बायदियाव जेराव करनानि मोनसेबो केस मोनाखै आरो जाय पन्चायतफोर ग्रीन जनआव दं, बैफोराव हाट बाजारखौ खुलिनायनि थांखि लानो हासिगौ। बेनि थाखाय खैफोद सामलायग्रा समिटिफोरा जायगानि थासारिफोरखौ सुलादा लानाने बाजारखौ खुलिनायनि हाबाफारिखौ लासै-लासै जागायजेनो हासिगोन। गिबि दोहौ फैनाय, बेनि जेबनाने थांनाय आरो नैथि दोहौ फैनायनि थासारिफोर आरो जाहोनफोरखौ नायबिजिरनांगोन। बेनि सायाव बिथा खालामनानैसो जो थांमथि दोहौखौ होबथानो हागोन एबा बेजों जुजिनो साखा-फारा जानो हागोन। गिबि मन्थि शिबराज सिं चौहानआ करनानि थासारि नायसंनायाव बे बाश्राखौ बुंदों। बियो जिल्लाफोरनि बिबानगिरिफोरखौ बुडोदि, बिसोरो खैफोद सामलायग्रा



हान्जाफोरखौ सोमोन्दो लानानै खौरांखौ लाबाय थायो। थांमथि दोहौखौ होबथानो थाखाय गासैबो गोनां थांखि एबा राहाफोरखौ आजावनांगोन। कभिड-19 नि प्रटकलफोरखौ मानिना सोलिनाया गोनांथार। करनानि एक्टिभ केसफोरनि बिथिडव मध्य प्रदेशआ हादतनि 19 थि आव थानाय रइज्यो। दर 46 जिल्लाफोरनि इनफेक्सन सन्देसनाय हारआ 1 जौखोन्दोनि गाहायाव फैबाय आरो रइज्योनि मोनसेबो जिल्लाया रेड जनआव गैलिया। भुपाल, इन्दर, स्तलाम, बैतुल, जबलपुर आरो अनुपपुर

भेक्सिन थुजानो थुलुंगाखां होनाय जागोन। खरगनआव आर्ड-इवनखौ बिथा खालामनानै गलाफोरखौ खुलिनायनि थांखि लानाय जादों। उज्जैनआव मोनाबिलिनि 7.00 रिगासिम हाथाय बाजारफोरा खुलिगोन। शिबपुरीयाव सानसेयाव लामानि आगसिथिजायनि आरो बेनि अखा नाथै लामानि आगदाथिजायनि गलाफोरा खुलिनो मोन्नायनि थांखि लानो सावरायनाय जादों।

इस्लामाबाद, 8 जुनः पाकिस्तानआव मोनसे गिदिर जाब्रबथाय जायो। अदेबानि दैयाव गंसे भेन गलांनायजों सा 17 सुबुंफोरा थैयो। बे जाथाया खेबर-पखुनखा ओन्सोलाव जायो। उन निउसनि रिपर्टनि बायदिब्ला, बे गारिआ चिलासनिफ्राय रावलपिन्डिनि फार्से थांबाय थादोंमोन अब्लानो बियो कहिस्तान जिल्लानि पानीबा ओन्सोलाव थानाय सिन्धु दैयाव गलाडो। दावबायनो थाखाय नख'रनि गेजेरजों भारा लानानै थांनाय



बे भेनआव इडभारजों लोगोसे सा 17 सुबुंफोरा गोखोदोंमोन। रिपर्टनि बाश्राखौ गनायोब्ला बे

गारिया दैयाव गलांनाय गोदोयो।

पुंलि स अ। फोरमायनाय बायदिब्ला, रैखा खालामग्रा दोलोआ गोमानानै थानाय दावबायारिफोरखौ नगिरनो नाजादोंमोन। नाथाय गोब्राब आरो दै गोथोनि जाहोनाव गोबां जेनाजों भुगिनादों। बेनि सिगां थांनाय सानावबो पाकिस्तानाव जानाय रेलनि जाब्रबथायाव सा 50 सुबुंफोरा थैयो आरो गासै 70 सो सुबुंफोरा जोखोम जादोंमोन।

कभिड-19 सोमजिखांनाय थाखाय चीनखौ बांसिनै नारसिननो हाया : हु



जेनेभा, 8 जुनः डाब्लिउ एडचअयि गोजौ थाखोनि बिबानगिरिया बुडोदि, करना भाइरास सोमजिखांनायखौ लानानै चीननि सायाव हुआ गोबां नारसिननो हाया। हुनि इमारजेन्सि हाबाफारिनि बिथोनगिरि माइक रयानआ मोनसे कनफरेन्सआव बुंदोंदि, बे करनाआव सोरनिबा सायाव गोखों नायसिनायनि मोन्थाया

हुनियाव गैया। बेनि सोद्रोमा हादतफोरनिफ्राय फुरा मदत मोनगोनखौ अल जजीराया आसा खालामदों। बियो सुबुंरुनबो होदोंदि, भाइरासनि गोदान भेरिएन्टआ बबेनिफ्राय सोमजिखांनायदें बेनि सायावबो संदानायनि गोनांथि दं। अल जजीराया गावनि रिपर्टयाव हुनि बाश्राखौ फोरमायनानै बुडोदि, जीब-जुनारफोरनिफ्राय करना

भाइरास सोमजिखांनायखौ लानानैबो गोबां जेना गोनां बाश्रा दं। सिगाडव बेखौबो हमदानाय जादोंमोनदि, गिखंथाव करना भाइरासआ बादामालिनिफ्राय जाजेदों। बेखौबो गनायना लादोंदि, बे भाइरासखौ बुहाननि लेबआव बानायदों। बुहान लेबनिफ्राय लीग जानाय बाश्राया सुबुंफोरनि गेजेराव सावरायजानाय जादों। गोबां बिगियानगिरिफोरा बे गिखंथाव भाइरास सोमजिखांनायखौ फुरा थै नायबिजिरनायाव बोली होदों। ओरैबायदिबो बुंनय जादोंदि, बुहान लेबनिफ्रायनो जाब्रबथाय जानानै करना भाइरास लीग जादों आरो बेयो गासै मुलुगआवनो इनफेक्सन महरै गोसारदों। अदेबानि चीनआ बे बाश्राखौ नेवसिगारबाय थादों।

आमेरिकानि होबथानायजों रासियानि अखांमा हाबाफारिया गोहोम गोलैदों



मस्क, 8 जुनः रासियानि अखांमा एजेन्सि रसकासमसनि गाहाय दमित्री रगजिनआ सुबुरुन होदोंदि, जुदि आमेरिकाया गावसोरनि अखांमा ओन्सोलनिफ्राय होबथानायखौ बोखारना होब्ला रासियाआ 2025 याव हारिमायारि अखांमा मिरुनिफ्राय जानगर जानांगौ। बे दानाव जेनेभायाव रासियानि हादतगिरि ब्लाडिमिर पुतिन आरो आमेरिकानि हादतगिरि ज'बाइडेननि गेजेराव जानो गोनां जथुमानि सिगां रासियानि एमपिफोरखौ सोमोन्दो लानानै रगजिनआ बे बाश्राखौ बुंदों। आमेरिकानि जेबथानायनि जाहोनाव रसआ माखासे सेटेलाइटफोरखौ दैथाय हरनो थाखाय नाजानादों। रासियाआ अखांमा हाबाफारिनि थाखाय माखासे गोनांथि माइक्रशिपखौ गुबुन हादतनिफ्राय लाबोनो हायाखै। रगजिनआ बुंदों, गावसोरनाव थोजासे बिबानि रकेट दं। नाथाय बेनि गेजेरजों जों जौनि सेटेलाइटखौ दैथाय हरनो हाया। दासो गिबि खेब रासियानि गोजौ थाखोनि बिबानगिरिआ मानिना नै लादोंदि, सोनाबयारि होबथानायनि जाहोनाव गावसोरनि अखांमा बिथिनि जौगाखानायनि सायाव गोहोम गोलैदों।

नेपालआव गाहाय मन्थि अलीनि मन्थि आफादआव सोलाय-सोल'खालामनायनि हेंथायै अजदलाइ थिसन्दों



काठमान्डु, 8 जुनः नेपालनि सुप्रीम कर्डआव अजदलाइ थिसन्नायै गाहाय मन्थि केपी शर्मा अलीनि गेजेरजों मन्थि आफादआव सोलाय-सोल'खालामनायनि दाबि दैखादों। आजद लाइयाव बुंदों गाहाय मन्थिआ मन्थि आफादआव सोलाय-सोल'खालामनानै गोदान मन्थिखौ थिसन्नायनि मोनथाय गैया। बे अजद लाइखौ गागि उकिल दिनेश त्रिपाठीआ थिसन्दों। बियो सुप्रीम कर्टनाव आर'ज गावदोंदि गाहाय मन्थिनि थांखि लानायखौ दोनथनांगौ। मानोना आधिखालनि थासारियाव मन्थि आफादआव सोलाय-सोल'खालामनाया संबिजितनि हेंथा। थान्दे सभाखौ सिफायनाय जाखांबाय आरो अलिआ बे समाव हाबाफारि मावग्रा मन्थि। बेनि थाखायनो बियो मन्थि आफादआव सोलाय-सोल'खालामनायनि मोनथाय गैया। मख'नो गोनांदि, अलिआ 4 जुनयाव मन्थि आफादआव सोलाय-सोल'खालामनानै सा 12 गोदान मन्थिफोरखौ लाफादेदोंमोन आरो लेडइ सा 3 गाहाय मन्थिफोरखो बानायदोंमोन। गोदान मन्थिफोरनि गेजेराव जनता समाजबादी पार्टीनि सा 8 केबिनेट मन्थि आरो सा 2 रइज्यो मन्थिफोरखो दंफादेरो। अजद लाइयाव दाबि दैखादोंदि, कर्टआ हाबाफारि मावग्रा गाहाय मन्थिनि बेबादि गासिबो हाबाफारि मावनायखौ होबथायो, जाहाथे हादतनि दोहोन बाबिनि सायाव गोहोम गोलैया।

करनानि होबथानायफोरखौ बोखारना होनाय हादतफोरखौ हुआ जिंगा सिदों

जेनेभा, 8 जुनः डाब्लिउ एडचअया बै हादतफोरखौ गोखों अजद होदों जेराव गोबां बिबानि बेक्सिन थुनाय जाबाय आरो बेनि जाहोनावनो बैफोराव होबथानायफोरखौ बोखारलांगसिनो फारि फारियै। हुनि गाहाय बिथोनगिरि टेडस एडहे नम हाबरे येससआ बेनिसायाव जिंगा सिनाय फोरमायनानै बुडोदि, फार्सेथि बेक्सिन थुनायाव आवरायलांनय हादतफोरा गावसिनियाव करना होबानायफोरखौ लासै लासै बोखारलांगसिनो, गुबुन फार्सेथि माखासे हादतफोराव थासारिया गिखंथावसिन जाबोदों। बिथानि बुंनाय बादिब्ला माखासे गोबां जाहोनफोरनि जाहोनाव बेफोर हादतफोराव करना इनफेक्सननि गोहोमा गोखों जागासिनो बे बायदियाव भाइरासनि गुस्लायनाय महरफोरनि सोमजिखांनाय जेनाया बांसिन जायो। बेफोरो आधिखालनि फाहामथाय राहाखौबो गुन गैयै खालामनो हागौ। गाहाय बिथोनगिरि घेबरे येससआ मोनसे खौरांगिरि मेलआव बुडोदि, भेक्सिनकौ समानै रानसारना होनो हायैआल'बेनि जेना नडा। बेखौ मोन्नो हानायाव खम एबा गोबां



जानायाबो जेनानि बाश्रा। हुनि बायदिब्ला इनफेक्सनजों थैनायफोरनि अन्जिमाया थांनाय 6 सप्ताहनि समाव खम जादों। बेफोरो मोजां इसारा, नाथाय माखासे हादतफोराव कभिडजों थैनायफोरनि अन्जिमाया बांसिनदों। बेफोर हादतआव आफ्रिका, आमेरिका आरो सोनाबारि प्रशान्त ओन्सोलआबो दंफायो। डा: गुटोसआ सांग्राथि होदोंदि, भाइरासनि गुस्लायनाय रोखोम एबा भेरिएन्टखौ नोजेर होनानै होबथानायफोरखौ बोखारनायाव सांग्रांथिखौ बांसिनै लाखिनांगोन। बे थांखिया भेक्सिन लाथैफोरनि थाखाय गिखंथावसिन एबा जेना गोनांसिन जानो हागौ।

गुबुन हादतनिफ्राय चीननि भेक्सिन थुजानानै सा 300 निखुइ बांसिन भारतआरिफोरा भारतआव लामा गोथेफैदों



बेइजिं, 8 जुनः चीनआ सांखि आरो फालांगि खालामग्रा सा 300 निखुइ बांसिन भारतआरिफोरा चीननि भेक्सिन थाजासे यावबो चीनआव थांनाय गावसोरनि नख'रनि खाथियाव सौहैनो थाखाय फारफोमिथिबो जेनाजों मोगा-मोगि जानांगांसिनो दड। नाथाय

दासिमबो चीननि खुंथाइया बिसोरनो चीनआव थांफिननो थाखाय भिजा पारमित फोसावयाखै। मख'नो गोनांदि, थांनाय 15 मार्चआव चीनआ भारत आरो दर 19 गुबुन हादतफोरनिफ्राय फैनाय गासै दावबायारिफोरनि थाखाय चीननि गावसोरनि कभिड भेक्सिनखौ

थुजानांथारगौ खालामना होदोंमोन। गोदान दिल्लीयाव थांनाय चीननि थान्दैआ नटिस फोसावनानै बुडोदि, थांनाय 15 मार्चनिफ्राय सोलिनाय होबथानायफोरखौ नोजेर होनानै भारतआव चीननि थान्दै आरो कन्सुलेट चीननि भेक्सिन थुजांजानाय सुबुंफोरा गावबा गावनि भेक्सिन थुजानायनि सार्तिफिकेट लानांगोन। बेनि उनावबो बिसोर चीनआव थांफिननो थाखाय पारमित भिजा मोनगोन।

बे फोसावनायनि उननिफ्रायो गोबां भारतआरिफोरा चीनआव गावसोरनि खामानि दामानि आरो फालांगिनि थाखाय थान्दो जेनायाव गोलैयो। चीननि बेबायदि रादायखौ नोजेर होनानै गासै सा 202 भारतयारिफोरा खाथि खाला नेपाल, मालदीव आरो दुबाइ बायदि हादतफोराव थांनाय गोबां खरसा खालामनानै टिका थुजाहैनो गोनां जायो। मानोना भारतआव चीननि भेक्सिनखौ मोन्नो हायाखै। अब्लाबो चीनआ दासिमबो भिजा पारमित खालामाखै। बेबायदियाव चीननि भेक्सिन थुजाग्रा भारतआरिफोरा चीन थुथाइनाव बेयाव सौहैनानै क्वारेन्टाइ नेमखाथिफोरखौ फालिनो आरो नैथि टिकाखौबो समाव नुजानो खोथा होयो।

केरेला सरकारा 1 कौटिनि भेक्सिन अर्डाखौ केन्सेल खालामबाय, हाइ कर्टनो मिथिहोदों

तिरुवनन्तपुरम, 8 जुनः केरेला सरकारा रइज्योनि हाइ कर्टनो मिथि होयोदि, बियो भेक्सिननि 1 कौटिनि बिथोनखौ होबथावाय। बेनि जाहोनखौ फोरमायनानै रइज्यो सरकारा बुडोदि, भेक्सिन कम्पानीफोरा रइज्योनो मिथि होनाय बायदिब्ला, मिरुनि गेजेरजों थि खालामखानाय सिमानि गेजेरजों बेनि डूपखौ मोनहोनो हानाय नडा। कर्टआ मिरुखौ गोदान टिका थुनायनि



नेमखान्थिनि सायाव गाबोनसिमाव फिन्नाय होनो बिथोन होयो। बेनि अनगायै केरेला सरकारा रइज्योयाव बिमारिफोरनो टिका थुनाय जागोन होना बुंदों। एरैहाय भारत सरकारा 21 जुननिफ्राय सोलिनो गोनां माहारियारि कभिड टिका थुनाय हाबाफारिनि थाखाय दिने सोदांनय बिथोन फोसावबाय। गोदान बिथोननि बायदिब्ला, भेक्सिननि डूपखौ रइज्योफोर

आरो मिरुजों खुंजानाय रइज्योफोराव जगयना होनाय ओन्सोलनि थागिबि इनफेक्सननि अन्जिमा आरो भेक्सिन थुनायनि अन्जिमाफोरखौ नोजेर लाखिनाय जागोन। बेजों लोगोसे भेक्सिननि डूपनि बेसेनखौ प्राइभेट देहा फाहामसालिफोरनि थाखाय गंफ्रोम भेक्सिन बानायग्रा कम्पानीफोरनि गेजेरजों थि खालामनाय जागोन।



आसाम सरकार

जौनि समाजनि बैसो गोरा आरो नासयजानायफोरनि थाखाय समाजारि रेखाथि

मुलाम्फायारिफोरा जाहाथे दान मोनफ्रोमबो पेन्सन मोनबाय थायो
बेनि थाखाय आसाम सरकारआ बिफानारि गाहायफोरनि आखायाव पेन्सननि धोन
गनायथि होनायनि मोन्थाय होदों

मोनथाम बिथांखिनि पेन्सननि धोन राननाय हाबाखौ गोखौ खालामनायनि थाखाय
दानिफ्राय चिलिं राहाखौ बोखारनाय जादों

मोनफ्रोमबो दाननि 10 खालाराव मुलाम्फायारिफोरनि बैंक
एकाउन्टआव पेन्सननि धोन जमा जानाया दा रोखा

पेन्सन होनाय हाबाया जोबोर मोजां खालामनो बैंक एकाउन्टआव धोन
जमा जानाय लोगो लोगो मुलाम्फायारिफोरनि मबाइल फनआव एस एम एस
दैथायहरनायनि राहा खालामनाय जादों



ड॰ हिमन्त बिश्व शर्मा
गिबि मन्थि, आसाम

Janasanyog/DF/117/21

श्वहिद कुशल कैं'वर सार्वजनिक बृद्ध पेन्सन बिथांखि

- सा 20,08,419 मुलाम्फायारिफोरखौ लानानै बे मोनसे अराय बैसोगोरा पेन्सन बिथांखि
- दानफ्रोमबो 250 राडै मुलाम्फायारिफोरनि बैंक एकाउन्टआव थोंजोडै गथायनायनि राहा
- 80 बोसोर बैसोनि बांसिन मुलाम्फायारिफोरनिसिम दानफ्रोमबो 550 राडै होगोन

इन्दिरा मिरि अराय रान्दि पेन्सन बिथांखि

- सा 2,97,604 मुलाम्फायारिफोरखौ लानानै बे मोनसे अराय रान्दि पेन्सन बिथांखि
- 18 निफ्राय 60 बोसोरनि गेजेरनि रान्दिफोरनि थाखाय बे बिथांखिखौ होगोन
- दानफ्रोमबो 300 राडै मुलाम्फायारिनि बैंक एकाउन्टआव थोंजोडै गथायनायनि राहा

दीनदयाल दिव्यांगजन पेन्सन बिथांखि

- सा 1,60,612 मुलाम्फायारिफोरखौ लानानै बे मोनसे देहायारि बेंगुरा पेन्सन बिथांखि
- दानफ्रोमबो 1000 राडै मुलाम्फायारिनि बैंक एकाउन्टआव थोंजोडै गथायनायनि राहा
- 40% निबो बांसिन लोरबां बेंगुराफोरनि थाखाय बे बिथांखिखौ होगोन

मोनथाम बिथांखिनि गासै
मुलाम्फायारिनि अनजिमाया

▶ सा 24,66,635

मोनफ्रोमबो दाननि 10 खालारनि गेजेराव पेन्सननि धोनखौ मोनाब्ला टल फ्रि नम्बर 1800-123-235-600 आव
मावख 'नि समफारिनि गेजेराव जगाजय खालामनो हागोन। आबुडै मिथिनो थाखाय अननानै गामि पन्सायतनि मावख' एबा
गथ' जौगाखां बिथांखिनि बिफानगिरिनि मावख' आव सुलाद ला।